

INSON O'ZGARSA - JAMIYAT O'ZGARADI

ЎЗБЕКИСТОН «МИЛЛИЙ  
ТИКЛАНИШ» ДЕМОКРАТИК  
ПАРТИЯСИНING  
ИЖТИМОИЙ-СИЁСИЙ  
ГАЗЕТАСИ

# milliy

*tiklanish*

**«ЭНГ КАМ» ВА «ЭНГ  
КУП» ЖАРИМА  
ОРАЛИГИДА  
КОРРУПЦИЯНИНГ  
ҚУЛИ БОРМИ?**

3

**НОЗИК  
ЕЛКАЛАРДА  
ОФИР МАСЪУЛИЯТ БОР**

4

**«...АБДУЛЛА  
ҚОДИРИЙНИ  
ЖАЗОСИЗ  
ҚОЛДИРИБ  
БЎЛАРМИДИ?»**

# 2021 йилнинг энг муҳим қарори имзоланди

Адлия вазири Руслан Давлетовга мазкур қарор моҳияти ва аҳамиятини аҳоли ўртасида тушунтириш, ижрочиларга етказиш ва белгиланган чора-тадбирларни амалга ошириш бўйича давлат органлари ва ташкилотлари фаолиятини мувофиқлаштириш вазифаси юклатилди.

2-бет

## ИСЛОҚОТЛАРНИНГ ЯНГИ БОСҚИЧИДА

**«Ёшлар қаноти»  
нималарга эътибор  
қаратиши керак?**

4




Ўзбекистон «Миллий тикланиш» демократик партияси тинч ва осойишта ҳаётимиз гарови бўлган Ватан ҳимоячиларини Қуролли Кучларимиз ташкил этилганининг 29 йиллиги ҳамда 14 январь – Ватан ҳимоячилари куни муносабати билан муборакбод этади.

## РАМС

**ҚОНУНДАН  
ҲАМ ЗҮРМИ?**

Республика Мақола ва  
онлайн кўлаб-қувватлаш  
вазирлиги диққатига



5

6

**Навий  
ашъоридан  
неча байт...**

Ўзбек миллати учун шунча юкни елкасига кўтариш саодати ёлғиз Навойнинг зиммасига тушди...

7

**Тили чучуклар  
ўқимасин...**

«Миллий ва йеуропа таомлари учун малакали ошпаз кере. Иш ҳақини келишамиз», «Бизга аъзо булинг ва узингизнинг янги хонадонингизни кулга киритинг»...





2021 йил 1 мартдан бошлаб таълим даражаси юқори бўлмаган мактабларда дарс бериш учун бошқа ҳудудлардан жалб қилинган олий ва биринчи тоифага эга ўқитувчи-педагогларнинг базавий тариф ставкаларига махсус устамалар жорий қилинади.

## ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

### ОЛИС ҲУДУДЛАРДАГИ БЮДЖЕТ ТАШКИЛОТЛАРИГА МАЛАКАЛИ МУТАХАССИСЛАРНИ ЖАЛБ ҚИЛИШ ЧОРА-ТАДБИРЛАРИ ТЎҒРИСИДА

Ўзбекистон Республикаси Президентининг 2020 йил 29 декабрдаги Олий Мажлиса Мурожаатномасида белгиланган вазифаларни амалга ошириш, олис ва чекка ҳудудлардаги бюджет ташкилотларида бошқа ҳудудлардан келиб фаолият юритаётган олий маълумотли мутахассислар меҳнатини янада рағбатлантириш, бўш иш ўринларини тўлдириш ҳамда жойларда малакали кадрларнинг меҳнат фаолияти ва ижтимоий ҳимояси учун муносиб шарт-шароитлар яратиш мақсадида:

1. 2021 йил 1 январдан бошлаб:

Ўзбекистон Республикаси Президентининг 2020 йил 6 ноябрдаги "Ўзбекистоннинг янги тараққиёт даврида таълим-тарбия ва илм-фан соҳаларини ривожлантириш чора-тадбирлари тўғрисида"ги ПФ-6108-сон фармонида мувофиқ, олис ҳудудларда жойлашган бюджет ташкилотларига (кейинги ўринларда – олий маълумотли мутахассислар) базавий ҳисоблаш миқдорининг 50 баравари миқдоридан бир марталик бошланғич ёрдам пули ва уй-жойларни ижарага олганлик (ижарада турганлик) учун базавий ҳисоблаш миқдорининг 2 баравари миқдоридан ҳар ойлик пул компенсацияси;

Ўзбекистон Республикаси Президентининг 2020 йил 12 ноябрдаги "Бирламчи тиббий-санитария ёрдами муассасалари фаолиятига мутлақо янги механизмларни жорий қилиш ва соғлиқни сақлаш тизимида олиб борилаётган ислохотлар самарадорлигини янада ошириш чора-тадбирлари тўғрисида"ги ПФ-6110-сон фармонида мувофиқ, тиббий олий таълим ташкилотини охириги 3 йил ичида тамомланган ва бошқа ҳудудда яшовчи тиббиёт ходими (кейинги ўринларда – тиббиёт ходими) олис ва чекка ҳудудларда жойлашган оилавий шифокор пунктлари ва оилавий поликлиникаларга (кейинги ўринларда – тиббиёт муассасаси) ишга қабул қилинганда уларга камида 3 йил ишлаб бериш шarti билан 30 миллион сўм миқдоридан бир марталик бошланғич ёрдам пули, уй-жойи

бўлмаганларга эса 3 йил давомида хизмат уй-жойлари берилиши ёки базавий ҳисоблаш миқдорининг 2 баравари миқдоридан ҳар ойлик пул компенсацияси берилиши белгиланганлиги маълумот учун қабул қилинсин.

2. Белгилаб қўйилсинки: мазкур қарорда олис ва чекка ҳудуд деганда, Вазирлар Маҳкамасининг 2019 йил 7 июндаги 471-сон қарори билан тасдиқланган умумий ўрта таълим муассасаларида бошқа ҳудудлардан келиб фаолият юритаётган педагог ходимларга махсус устама белгиланадиган ҳудудлар тушунилади;

мазкур қарорда назарда тутилган бошланғич ёрдам пули ва ҳар ойлик пул компенсацияси солиқ тўловчининг жами даромадига киритилмайди ҳамда жисмоний шахслардан олинадиган даромад солиғининг солиқ солиш объекти ҳисобланмайди;

мазкур қарорда назарда тутилган бошланғич ёрдам пули ва ҳар ойлик пул компенсацияси ҳамда уй-жой шaroитини яхшилаш бўйича имтиёزلардан олий таълим муассасасининг бакалавриати ёки магистратурасини (таълим шаклидан қатъи назар – кундузги, сиртки, кечки, шунингдек, иккинчи мутахассислик) тамомлаганидан кейин уч йил мобайнида олис ва чекка ҳудудларда жойлашган бюджет ташкилотлари, шу жумладан, тиббиёт муассасаларига ишга кирган битирувчилар фойдаланиш ҳуқуқига эга;

ҳар ойлик пул компенсацияси олий маълумотли мутахассис ва (ёки) тиббиёт ходими ишга қабул қилинган ойдан бошлаб 36 ой мобайнида тўланади, бунда ходим ушбу ҳудудда шахсий уй-жойга эга бўлганда, унга хизмат турар жойи берилганда ёки у билан тузилган меҳнат шартномаси бекор қилинганда, пул компенсацияси тўлаш тўхтатилади;

олий маълумотли мутахассис ва (ёки) тиббиёт ходими ҳар ойлик пул компенсациясини олиш учун вақтинча яшаб жойини ва уй-жойни ижарага олганлик учун коммунал хизматлар қийматисиз амалдаги харажатлар суммасини кўрсатган ҳолда, тегишли бюджет ташкилоти раҳбарига ариза беради. Бунда, уй-жой ижараси учун ҳақиқатда тўланаётган тўлов базавий ҳисоблаш миқдорининг 2 баравари-

дан кам бўлган тақдирда, ҳар ойлик пул компенсацияси миқдори ҳақиқатда тўланаётган тўлов миқдорига мувофиқ камайтирилади, қолган барча ҳолатларда ҳар ойлик пул компенсацияси базавий ҳисоблаш миқдорининг 2 баравари миқдоридан тўланади;

ҳар ойлик пул компенсациясининг миқдорини кўрсатган ҳолда, тегишли бюджет ташкилоти раҳбарининг буйруғи билан тайинланади ҳамда ушбу ташкилот бухгалтерияси томонидан иш ҳақи билан биргаликда тўланади;

Ўзбекистон Республикаси Президентининг 2017 йил 25 апрелдаги "Навоий вилоятининг олис чўл туманлари аҳолиси турмуш даражасини янада оширишга доир қўшимча чора-тадбирлар тўғрисида"ги ПҚ-2925-сон қарори ҳамда Вазирлар Маҳкамасининг 2012 йил 31 октябрдаги 312-сон қарори билан тасдиқланган Судьяларга, суд органлари ходимларига, Ўзбекистон Республикаси Ҳисоб палатаси, прокуратураси ҳузурдаги Иқтисодий жинойтларга қарши курашиш департаменти, давлат солиқ хизмати ва давлат божхона хизмати органлари ходимларига уй-жойларни ижарага олганлик (ижарага турганлик) учун ҳар ойлик пул компенсацияси тўлаш тартиби тўғрисидаги низомда назарда тутилган ҳолатларга уй-жойларни ижарага олганлик учун ҳар ойлик пул компенсацияси тўлаш ушбу норматив-ҳуқуқий ҳужжатларда белгиланган тартибда амалга оширилади;

олий маълумотли мутахассис ва (ёки) тиббиёт ходими тегишлилиги бўйича олис ва чекка ҳудудда жойлашган бир бюджет ташкилотидан ва (ёки) тиббиёт муассасасидан бошқа бюджет ташкилотига ва (ёки) тиббиёт муассасасига ўтказилганда, ҳар ойлик пул компенсациясини тўлаш белгиланган муддат тугагунга қадар давом эттирилади;

олий маълумотли мутахассис ва (ёки) тиббиёт ходими тегишлилиги бўйича олис ва чекка ҳудудда жойлашган бюджет ташкилотидан ва (ёки) тиббиёт муассасасидан бошқа бюджет ташкилотига ва (ёки) тиббиёт муассасасига ўтказилганда, ҳар ойлик пул компенсациясини тўлаш белгиланган муддат тугагунга қадар давом эттирилади;

олий маълумотли мутахассис ва (ёки) тиббиёт ходими тегишлилиги бўйича олис ва чекка ҳудудда жойлашган бюджет ташкилотидан ва (ёки) тиббиёт муассасасидан бошқа бюджет ташкилотига ва (ёки) тиббиёт муассасасига ўтказилганда, ҳар ойлик пул компенсациясини тўлаш белгиланган муддат тугагунга қадар давом эттирилади;

олий маълумотли мутахассис ва (ёки) тиббиёт ходими тегишлилиги бўйича олис ва чекка ҳудудда жойлашган бюджет ташкилотидан ва (ёки) тиббиёт муассасасидан бошқа бюджет ташкилотига ва (ёки) тиббиёт муассасасига ўтказилганда, ҳар ойлик пул компенсациясини тўлаш белгиланган муддат тугагунга қадар давом эттирилади;

тиббиёт ходимининг бюджет ташкилоти ва (ёки) тиббиёт муассасасидаги фаолиятини унинг ўзига боғлиқ бўлмаган ҳолатларга кўра (ходимнинг вафоти, ногиронлиги бўлган шахс деб топилиши, бюджет ташкилотининг фаолияти тўхтатилиши ва Ўзбекистон Республикаси Меҳнат кодексининг 106-моддасида белгиланган ҳолатлар) тўхтатиши бундан мустасно.

3. Олис ва чекка ҳудудларда жойлашган бюджет ташкилотларига бошқа ҳудудлардан меҳнат фаолиятини амалга ошириш учун келган олий маълумотли мутахассис ва (ёки) тиббиёт ходимига бошланғич ёрдам пули тўлаш схемаси 1-иловага мувофиқ тасдиқлансин.

4. 2021 йил 1 мартдан бошлаб таълим даражаси юқори бўлмаган мактабларда дарс бериш учун бошқа ҳудудлардан жалб қилинган олий ва биринчи тоифага эга ўқитувчи-педагогларнинг базавий тариф ставкаларига махсус устамалар жорий қилинсин. Бунда:

бир маъмурий-ҳудудий бирликлар доирасида бошқа туман ва шаҳарлардан келиб фаолият юритаётган ўқитувчи-педагогларнинг базавий тариф ставкаларига 50 фоиз;

бошқа маъмурий-ҳудудий бирликдан келиб фаолият юритаётган ўқитувчи-педагогларнинг базавий тариф ставкаларига 100 фоиз махсус устамалар тўлансин.

5. Белгилансинки: таълим даражаси юқори бўлмаган мактабларда дарс бериш учун бошқа ҳудудда камида бир йил ишлаган олий ва биринчи тоифага эга ўқитувчи-педагоглар жалб қилинади;

таълим даражаси юқори бўлмаган мактаблар рўйхати Халқ таълими вазирлиги ҳамда Таълим сифатини назорат қилиш давлат инспекцияси томонидан аниқланади ва жорий йилда 15 февралгача, келгуси йилларда эса ҳар йили 1 сентябрга қадар Халқ таълими вазирлигининг расмий веб-сайтида эълон қилинади;

бошқа ҳудудлардан жалб қилинган олий ва биринчи тоифага эга ўқитувчи-педагогларнинг базавий тариф ставкаларига махсус устамалар улар борган мактаб таълим даражаси юқори бўлмаган мактаблар рўйхатидан чиқарилган йил-

дан кейинги йил учун ҳам тўланади.

6. Шундай тартиб ўрнатилсинки, унга кўра:

бошланғич ёрдам пули ва ҳар ойлик пул компенсацияси тегишли бюджет ташкилотининг ҳудудий молия органига берган сўровига асосан белгиланган тартибда Ўзбекистон Республикаси Давлат бюджети маблағлари ҳисобидан молиялаштирилади;

бошланғич ёрдам пули ва ҳар ойлик пул компенсацияси учун талаб қилинадиган маблағлар тегишли бюджет ташкилотининг харажатлар сметасида назарда тутилади. Бунда, олий маълумотли мутахассис ва (ёки) тиббиёт ходимининг ишга қабул қилиниши жорий молия йилида рўй берган ҳолатда, бюджет ташкилотининг харажатлар сметасига белгиланган тартибда ўзгартириш киритилади.

7. Вазирлар Маҳкамасининг 2020 йил 25 мартдаги 182-сон қарори билан тасдиқланган Уй-жойга муҳтож фуқароларни аниқлашнинг ижтимоий мезонларига "Олис ҳудудларда жойлашган бюджет ташкилотларида бошқа ҳудудлардан келиб фаолият юритаётган олий маълумотли мутахассислар" мезони киритилсин.

8. Қорақалпоғистон Республикаси Вазирлар Кенгаши ва вилоятлар ҳокимликлари:

олис ва чекка ҳудудларда жойлашган бюджет ташкилотлари ва (ёки) тиббиёт муассасаларида олий маълумотли мутахассис ва (ёки) тиббиёт ходимига бўлган эҳтиёж бўйича бўш иш ўринлари юзасидан маълумотларни ҳар ой якуни бўйича кейинги ойнинг 5-кунига қадар расмий веб-сайтида жойлаштириб борсин;

жойларда олий таълим муассасалари битирувчилари билан учрашувлар ташкил этиб, уларни чекка ҳудудларда жойлашган, олий маълумотли кадрларга эҳтиёж мавжуд бўлган бюджет ташкилотларига ишга жалб этиш, шунингдек, ёш мутахассисларга фаолият юритиш учун зарур шарт-шароитлар яратиш чораларини кўрсин;

жойлардаги маҳаллий давлат ҳокимияти органлари

Ўзбекистон Республикаси  
Президенти

Ш.МИРЗИЁЕВ

Тошкент шаҳри,  
2021 йил 11 январь

Муносабат

## МУРОЖААТНОМАДА УЗОҚ МУДДАТЛАРГА МЎЛЖАЛАНГАН ИСЛОҲОТЛАР УЧУН ҲАМ ТАМАЛ ТОШИ ҚЎЙИЛДИ



Президент Мурожаатномасини қайта-қайта ўқиб, яна бир марта 2021 йилнинг мамлакатимиз ижтимоий-иқтисодий, маданий-маърифий ҳаётида туб ислохотлар йили бўлишига ишонч ҳис қилдим. Дастуриламалда илгар сурилган ҳар бир ташаббус ва белгиланган вазифаларнинг молиявий манбаи ва ижрочисини аниқ кўрсатиб берилганини алоҳида таъкидлаш жоиз. Кейинги пайтларда фуқароларнинг жиддий эътирозларига сабаб бўлаётган табиий ва суолтирилган газ ҳамда электр таъминотидаги жиддий камчиликлар, монополь корхоналарнинг нарх-навони шакллантириш,

хизматлар сифатининг қониқарсизлиги ҳақидаги эътирозларга ҳам Мурожаатномада ечимлар кўрсатиб берилди, десак муболаға бўлмайди. Давлатнинг иқтисодиётдаги иштирокини камайтириш, давлат улуши бўлган корхоналарда трансформация жараёнини бошлаш, солиқ тўловчилар пулига кун кечириётган, энг асосийси фақат давлатга юк бўлаётган корхоналарнинг давлат улушини стратегик инвесторларга сотиш мамлакат иқтисодий ўсишини таъминлаш билан бирга янги иш ўринлари яратишга ҳам хизмат қилади. Хусусан, «Ўзбекнефтгаз», «Ўзбекгидроэнерго», «Ўзавтосаноат» каби 30 дан

ортиқ стратегик аҳамиятга эга бўлган корхоналарнинг трансформация қилиниши, 80 дан ортиқ корхоналарнинг давлат улушлари сотилиши, шубҳасиз Янги Ўзбекистонда иқтисодиётга янги аҳамият қўйишга натижасидир. Халқ вакиллари сифатида эса биз – депутатлар мазкур жараёнларни диққат билан кузатиб боришимиз, савдолар очик ва шаффоф тарзда ўтказилишида парламент назоратини кучайтиришимиз зарур бўлади. Албатта, бегона юртга сармоя киритаётган ҳар қандай инвестор ушбу мамлакатда мулк дахлсизлиги қай даражада таъминланганлиги, яъни қонун устуворлигига, давлатнинг

иқтисодиётга аралашуви эса минимал бўлиши ва ниҳоят, тадбиркорлик фаолиятини олиб бориш учун инфратузилмалар мавжудлигига эътибор қаратади. Ана шундай назик масалаларга ҳам Мурожаатномада муқобил ечимлар кўрсатиб берилди. Хулоса қилиб шунини айтиш жоизки, Президент Мурожаатномасида узоқ муддатларга мўлжалланган ислохотларга ҳам тамал тоши қўйилди. Зеро, қонун устувор бўлган, куч эса адолатга бўйсунган юрдагина ободлик, фаровонлик бўлади.

Нодирбек ТИЛАОЛДИЕВ,  
Олий Мажлис Қонунчилик  
палатаси депутати



✓ Мамлакатимиз аҳолиснинг 90 фоиздан зиёди Исломи динига эътиқод қилиши ва эътиқоди туфайли 15-20 фоизга яқин аҳоли анъанавий кредитлаш тизимидан фойдаланмаётганини инобатга олсак, янги муқобил кредитлаш тизими орқали мазкур қатлам ҳам қамраб олиниши мумкинлигини таъкидлаш жоиз.

Кейинги пайтларда йўл ҳаракати қоидабозларига нисбатан қўлланаётган жарималар миқдорининг юқорилиги, уларни қамайтириш, ҳайдовчилар чўнтагига қараб белгилаш бўйича жуда кўп таклиф ва фикр-мулоҳазалар билдирилмоқда. Ҳатто жарималарнинг «энг кам» ва «энг кўп» миқдорда белгиланиши коррупцияни келтириб чиқараётганига ҳам эътибор қаратиляпти. Шу муносабат билан Ўзбекистон «Миллий тикланиш» демократик партияси фракцияси аъзолари Фарҳодбек Ашматов ва Қозим Тожиевлар томонидан жарималарни қамайтириш юзасидан Маъмурий жавобгарлик тўғрисидаги кодексга узгартиш ва қўшимчалар киритиш бўйича янги қонун лойиҳаси тайёрланаётгани ва бу қонун яқин кунларда фракциялар эътиборига ҳавола этилишини маълум қилган эдик.

## «ЭНГ КАМ» ВА «ЭНГ КЎП» ЖАРИМА ОРАЛИГИДА

# КОРРУПЦИЯНИНГ



## ҚЎЛИ БОРМИ?

Олий Мажлис Қонунчилик палатаси фракцияларининг кеча бўлиб ўтган йиғилишларида айтиш масала қизгин муҳокамага сабаб бўлди. Хусусан, «Миллий тикланиш» демократик партияси фракцияси йиғилишида «Йўл ҳаракати хавфсизлиги соҳасидаги айрим ҳуқуқбузарликлар учун маъмурий жазолар енгиллаштирилиши муносабати билан Ўзбекистон Республикасининг Маъмурий жавобгарлик тўғрисидаги кодексига узгартишлар киритиш ҳақида»ги қонуни лойиҳаси биринчи ўқишда қўриб чиқилди.

«2018-2022 йилларда Ўзбекистон Республикасида Йўл ҳаракати хавфсизлигини таъминлаш концепцияси» ва «Йўл харитаси»да белгиланган вазифаларнинг бажарилиши ҳолати, бу борадаги мавжуд муаммолар Наманган вилояти мисолида ўрганилди, — деди фракция аъзоси К.Тожиев. — Амалга оширилган ишлар, статистик маълумотлар таҳлил қилиниб, улардан қонун лойиҳасини тайёрлашда фойдаланилди.

Жумладан, амалдаги «Маъмурий жавобгарлик тўғрисида»ги кодекснинг 54-моддасида Эпидемияларга қарши кураш қоидаларини бузганлик учун БҲМнинг 20 бараваридан 30 бараваригача жарима қўллаш белгиланган. Таклиф этилган таҳрирга кўра, ушбу жарима миқдори БҲМнинг 20 баравари миқдоридан белгиланмоқда. 123-модданинг амалдаги таҳририда Транспорт воситалардан ахлат ёки бошқа нарсаларни ташлаганлик учун БҲМнинг 5/1 қисмида 1 бараваригача жарима солиниши кўрсатилган. Янги

таҳрирда эса бу миқдорни 5/1 тарзида белгилаш таклиф этиляпти.

Кодекснинг 128<sup>б</sup>-моддасига кўра, Транспорт воситалари ҳайдовчиларининг тўхташ ёки тўхтаб туриш қоидаларини бузганлик учун амалда БҲМнинг 3 баравари, агар ушбу ҳолат бир йил ичида яна содир этилса 5 баравар, иккинчи бор содир этилса, 10 баравар, уч ва ундан ортиқ марта содир этилса, 15 баравар миқдоридан жарима солинади. Янги таҳрирда эса ушбу қондан бузганларга нисбатан БҲМнинг 2 баравари миқдоридан жарима солиш таклифи киритилмоқда. Такроран содир этилганда ошқиниб қилинган жарималар эса кодексдан чиқариб ташланмоқда.

Кодекснинг 137-моддасида йўл-транспорт ҳодисаси юз берган жойдан кетиб қолганлик учун БҲМнинг 30 баравари миқдоридан жарима солиш ёки транспорт воситаларини бошқариш ҳуқуқидан икки йил муддатга маҳрум этишга ёхуд ўн беш суткагача қамоққа олиш жазоси белгиланган. Янги таҳрирда эса

бунди 3 баравар миқдоридан, шу билан бирга белгиланган қоидабозарлик учун жарима миқдори ҳуқуқбузарликнинг айбдорлик даражасига қараб уч қисмга ажратган ҳолда жарима белгилаш таклиф этиляпти.

141-моддада Корхона ва ташилотларга тегишли транспортдан шахсий бойлик ортириш мақсадида фойдаланганлик учун амалда БҲМнинг 2 бараваридан 5 бараваригача жарима белгиланган. Янги лойиҳада бу жаримани 2 баравар белгилаш таклиф этилмоқда.

147-моддада эса Йўлларга, йўл иншоотлари, йўл ҳаракатини тартибга солиш, теҳник воситаларга шикаст етказиш, уларни сақлаш қоидаларини бузганлик учун БҲМнинг 1 бараваридан 3 бараваригача жарима белгиланган. Янги таҳрирда эса «энг кам» ва «энг кўп» миқдорда белгиланган жаримадан воз кечиб, 1 баравари миқдоридан белгилаш таклифи қилинмоқда.

Маълумотларга қараганда, 2020 йилнинг 9 ойидан транспорт воситалари

ҳайдовчиларининг тўхташ ёки тўхтаб туриш қоидаларини бузганликларига оид 44 125 та маъмурий иш кўрилиб, уларга нисбатан 30 млрд. 528 млн. сўм миқдорда жарималар белгиланган. Йўл-транспорт ҳодисаси юз берган жойдан кетиб қолиш ҳолатлари бўйича эса судлар томонидан 3 335 нафар шахс жавобгарликка тортилган ва уларга 4.2 млрд. сўм миқдоридан жарималар белгиланган.

Депутатлар қонун лойиҳаси бўйича ўз фикр-мулоҳазаларини билдириб, бундай узгартишлар келгусида коррупцион ҳолатларнинг олдини олиш, зарур инфратузилма мавжуд бўлмаган ва мажбуриятдан содир этилган қоидабозарликларга нисбатан жарималар миқдори енгиллаштирилишини эътиборга олиб, биринчи ва иккинчи ўқишда маълумлади.

Шундан сўнг депутатлар «Ноширлик фаолияти тўғрисида»ги Ўзбекистон Республикаси қонуни лойиҳасини биринчи ўқишда муҳокама қилди.

— Янги таҳрирдаги қонун лойиҳасига кўра, эндиликда

бу фолият билан шуғулланиш учун лицензия олиш тартиби бекор қилинади ва фаолиятини бошлаганлик ҳақида тегишли идорани хабардор этиш тизими жорий этилади, — деди фракция аъзоси Умиджон Жабборов.

— Ахборот-кутубхона муассасалари ва ташкилотларга нашрларнинг мажбурий бепул нусхаларини тақдим этилишини тартибга солиш бўйича, шунингдек, нашрларнинг чиқиш маълумотларида кўрсатилган ахборотлар қатъийлигини таъминлаш каби ўзгартиш ва қўшимчалар ҳам киритилмоқда.

Йиғилишда партиянинг мақсад ва вазифаларидан келиб чиққан ҳолда бошқа қонун лойиҳалари ҳам муҳокама қилиниб, тегишли қарорлар қабул қилинди. Фракция йиғилишини ҳудудий партия ташкилотлари вакиллари ҳамда маҳаллий кенгаш депутатлари ҳам масофадан туриб кузатдилар.

Равшан МАҲМУДОВ,  
«Миллий тикланиш»  
демократик партияси  
масъул ходими

## ✓ Муносабат

# Исломий молия тизимини ривожлантириш вақти келди

Сўнги пайтларда жаҳон молия маконини ишонч билан забт этаётган Исломий молия тизимига бўлган қизиқиш ғарб мамлакатларида ҳам кучайиб борапти. Зеро, таҳлилчилар Исломи банклари даромади йилига 15-20 фоиз, активлари эса 20 фоизга ошаётганини таъкидламоқдалар.

Мамлакатимиз аҳолиснинг 90 фоиздан зиёди Исломи динига эътиқод қилиши ва эътиқоди туфайли 15-20 фоизга яқин аҳоли анъанавий кредитлаш тизимидан фойдаланмаётганини инобатга олсак, янги муқобил кредитлаш тизими орқали мазкур қатлам ҳам қамраб олиниши мумкинлигини таъкидлаш жоиз.

Президентимиз Шавкат Мирзиёевнинг Олий Мажлисига йўллаган Мурожаатномасида «эндиги вазифа — чуқур таркибий ислохотлар орқали узоқ муддатли барқарор ўсишнинг пойдеворини яратилган иборат» экани бежиз таъкидланмади. Иқтисодиётнинг реал секторини ривожлантириш учун молиявий-инвестицион ресурсларни жалб этиш усулларидан бири исломий банкинг воситалари, исломий капитал бозори ҳамда исломий нобанк ва микромолиявий муассасалардан фойдаланиш ҳисобланади. Шунингдек, молиявий хизматлар, капитал ва суғурта

бозорларини ривожлантиришда ҳам ушбу тизим муҳим аҳамият касб этади, албатта.

Ушбу соҳада рақобат муҳитини яратиш мақсадида давлатимиз раҳбари Мурожаатномасида мамлакатимизда исломи молиявий хизматларини жорий этишга доир ҳуқуқий базани яратиш вақти-соати келгани алоҳида таъкидланди.

Ўзбекистон банк-молия тизимига исломи молиялаш таъминловчи татбиқ этилиши, молиялаштиришни янада кенгайтириш, айниқса, кичик ва ўрта бизнесни ривожлантириш ҳамда реал ишлаб чиқаришни рағбатлантириш имконини беради. Шунингдек, Исломи молиялаштиришни муваффақиятли жорий этиш натижасида муқобил молиявий маҳсулотлар пайдо бўлиши ҳисобига аҳолининг молиявий хизматлардан фойдаланиш имкониятлари кенгайди.

Шуни қайд этиш жоизки, ушбу соҳанинг ривожланиши мамлакатимизнинг ғарб давлатлари томонидан қўллаб-қувватланишига ҳам олиб келади. Судхўрлик, қарз юкиннинг пайсаяши ва корхоналарни молиявий соғломлаштиришда ҳам ушбу тизим муҳим аҳамиятга эга бўлади.

Хулоса қилиб айтганда, Мурожаатномада белгилаб берилган вазифаларни амалга ошириш мақсадида ҳукумат анъанавий банкинг

билан бир қаторда Исломи молия хизматларини ривожлантириш бўйича ҳам йўл харитасини ишлаб чиқиши лозим. Ушбу харита мавжуд қонунчиликни (банк фаолияти, солиқ, қимматли қоғозлар ва суғурта фаолиятига доир қонунчиликка қўшимча ва ўзгартиришлар киритиш) такомиллаштириш, тарғибот ишларини олиб бориш, Исломи молия инфратузилмасини ривожлантириш, халқаро ҳамкорлик ва давлат-хусусий шерикчилик секторини тараққий эттириш, илмий-ўқув ишларини яхшилаш билан бирга инвесторлар билан ишлашни ҳам ўз ичига олиши зарур.



Жаҳонгир  
АБДУРАСУЛОВ,  
Олий Мажлис  
Қонунчилик палатаси  
депутати

”

Партия банк ва молия тизимига замонавий бозор механизмларини жорий этиш, жумладан, мазкур соҳада ҳозирги кунда дунёда жадал ривожланаётган анъанавий молия тизимига муқобил равишда банк ва тадбиркорнинг шерикчилигига асосланган кредитлаш механизмининг жорий этишга қаратилган қонунчилик ташаббусини амалга ошириш тарафдори.

ЎЗБЕКИСТОН «МИЛЛИЙ ТИКЛАНИШ»  
ДЕМОКРАТИК ПАРТИЯСИНING  
САЙЛОВДИ ДАСТУРИДАН

## Барча ҳаракатларимиз Президент ишончини оқлашга қаратилади

Президентимиз Шавкат Мирзиёевнинг Олий Мажлисига йўллаган Мурожаатномасида 2021 йилга — «Ешларни қўллаб-қувватлаш ва аҳоли саломатлигини мустақкамлаш йили», дея ном берилди. Мурожаатноманинг ижтимоий-иқтисодий соҳадаги ислохотлар учун ишончли йўл харитасига айланган ҳақида кўп гапириш мумкин. Биз педагоглар эса Мурожаатномадаги «Янги Ўзбекистон — мактаб оstonасидан, таълим-тарбия тизимидан бошланади», деган сўзларни таълим тизими ходимларига билдирилган жуда катта ишонч ва юксак масъулият, деб қабул қилдик.

Айни пайтда Бўстон тумани Халқ таълими бўлими тасарруфида 26 та умумтаълим ва ихтисослаштирилган мактаблар бўлиб, уларда 13265 нафар бола таълим-тарбия олмақда. Зухра Каримова, Алишер Рустамов, Моҳим Дўсматова каби 1054 нафар ҳамкасбимиз эса зиммаларидаги вазифани виждонан бажармоқдалар. Мурожаатномада умумтаълим мактабларидаги таълим сифати пойтахтда ҳам, олис кишлоқларда ҳам юқори бўлиши шартлигига алоҳида ургу берилгани бежиз эмас, албатта. Бунинг учун чекка ҳудудлардаги мактабларни ҳам малака кадрлар билан таъминлаш, таълим сифатини яхшилаш бўйича алоҳида дастур амалга ошириладиган бўлди. Унга асосан, бошқа ту-

мандаги олис мактабга бориб дарс берадиган ўқитувчилар ойлантиришга 50 фоиз, бошқа вилоятга бориб ишласа — 100 фоиз устама ҳақ тўланиши таъкидланди. Бундай имконият ўқитувчи-мураббийлар учун том маънодаги рағбатга айланади, деб ўйлайман.

Қолаверса, давлатимиз раҳбарининг: «Яна бир бор тақрорлайман, жамиятда ўқитувчи касби энг нуфузли ва обрўли касб бўлиши лозим. Муаллимларимиз болаларга сифатли таълим бериш ва ўз устида ишлашдан бошқа нарса ҳақида ўйламаслиги учун давлат барча шароитларни яратиб бериши зарур. Шу боис ўқитувчи, мураббий ва методистлар меҳнатига муносиб ҳақ тўлаш бўйича бошлаган ишларимиз келгуси йилда ҳам давом эттирилади. Бунинг учун халқ таълими ходимларини рағбатлантириш ҳудудий жамғармаларига 330 миллиард сўм йўналтирилади», деган сўзлари таълим тизими ходимлари учун том маънода Янги йил совғаси бўлди.

Шундай экан, ҳар бир муаллим, ҳар бир устоз давлатимиз раҳбари ва, албатта халқимиз ишончини оқлаш учун бор билим ва шижоатини ишга солиши зарур. Зеро, бугунги тезкор замон биз — таълим тизими ходимларидан айнан шундай жонсаракликни талаб қилаётир.

Юлдузхон АЗИМОВА,  
Андижон вилояти,  
Бўстон тумани Халқ  
таълими бўлими мудири



# НОЗИК ЕЛКАЛАРДА



Кейинги йилларда Хотин-қизлар учун қулай шарт-шароитлар яратиб берилаётгани бос, фаол аёллар сони тобора ортиб бормоқда.

Буни Ўзбекистон «Миллий тикланиш» демократик партиясининг хотин-қизлар муаммоларини тизимли тарзда ҳал этиш, жамиятда ижтимоий-маънавий муҳитни соғломлаштириш, оила ва хотин-қизлар билан ишлашни янги босқичга олиб чиқиш борасидаги ишларда фаоллик кўрсатаётган опа-сингилларимиз фаолияти мисолида ҳам кўриш мумкин.

Айни кунда партия аъзолари сонининг 137 минг нафари (47 фоизи)ни аёллар ташкил этапти. Шу ўринда Олий Мажлис Сенати аъзоларининг 40, Олий Мажлис Қонунчилик палатаси депутатларининг 16,6, халқ депутатлари Қорақалпоғистон Республикаси Жўқорғи Кенгеси, вилоятлар ва Тошкент шаҳар Кенгаши депутатларининг 38,8 фоизи ҳам нозик ҳилқат вакилларидан иборат эканини таъкидлаш жоиз. Партиянинг энг муҳим бўғини – халқ депутатлари туман, шаҳар Кенгаши депутатларининг эса

27,4, Бошланғич партия ташкилотлари раисларининг 49,5 фоизи, шунингдек, захирага олинган жами кадрларнинг 40,2 фоизи ҳам опа-сингилларимиз ҳиссасига тўғри келмоқда.

Таъкидлаш жоизки, ўтган йили «Аёллар қаноти» томонидан партиянинг «Хизмат-беминнат» лойиҳаси доирасида 3000 га яқин хотин-қизлар касбга йўналтирилди. «Уйма-уй» лойиҳаси орқали 15 мингга яқин хонадонлардаги шароитлар ўрганилиб, 10 мингга яқин муаммолар аниқланди, уларнинг 7 мингга яқини жойларда ҳал этилиб, 300 га яқини депутатлар назоратига олинди.

Шу ўринда пандемия шароитида аҳолининг эҳтиёжманд қисми учун 1,5 миллиард сўмликдан ортиқ ҳоимлик ёрдамлари кўрсатилган таъкидлаш жоиз. «Аёллар қаноти» томонидан хотин-қизлар мурожаатлари билан ишлаш учун @MTAyollarmurojaatiBot ишга туширилганини ҳам ўтган йилги

ижобий ишларнинг бири сифатида қайд этиш мумкин.

368 нафар аёл депутатлар билан тезкор ахборот алмашишни йўлга қўйиш мақсадида эса депутат аёллар канали (<https://t.me/deputatayollarklubi>) очилди.

Шунингдек, ўтган йилдан бошлаб ҳар чоракда партия тизимидаги энг фаол аёл депутатлар 20 талаги рўйхати эълон қилина бошланди.

Ўзбекистондаги сиёсий партиялар тарихида эса илк бор «Миллий тикланиш» демократик партияси қошида «Депутат аёллар клуби» таъсис этилди.

Хотин-қизлар масаласида илмий муассасалар ҳамда фаолияти оғир ижтимоий аҳволдаги хотин-қизлар масалаларига йўналтирилган нодавлат нотижорат ташкилотлари имкониятларидан самарали фойдаланиш мақсадида Маҳалла ва оилани қўллаб-қувватлаш вазирлиги ҳузуридаги «Маҳалла ва оила» илмий-тадқиқот инсти-

тути, Республика «ISTIQBOLLI AVLOD» ижтимоий-ахборот маркази, Бандлик ва меҳнат муносабатлари вазирлиги ҳузуридаги «Ишга марҳамат» мономаркази, Халқаро спорт клублари Ассоциацияси билан ўзаро ҳамкорлик Меморандумлари ҳам имзоланди.

Ушбу ҳужжатда ҳам асосий эътибор миллий аънава ва қадриятларни асраш, миллат генофондини сақлаш мақсадида репродуктив саломатликка қаратилган тарбиявий ишларни жадаллаштириш, оилавий ажримларни камайитириш, исрофгарчиликка асосланган тадбирларга барҳам бериш, аёлларнинг таълим олишлари ҳамда оилада кўпроқ бўлишлари учун шароит яратиш, хотин-қизларга мослашувчан иш вақти ораллиғини белгилашни жорий этиш, узоқ вақт хорижда бўлиб қайтган аёлларнинг ижтимоий реабилитациясини таъминлаш, оғир ижтимоий



# ОФИР МАСЪУЛИЯТ БОР

аҳволга тушиб қолган хотин-қизларни қўллаб-қувватлаш ҳамда опа-сингилларимизни оилавий тадбиркорлик ва ҳунармандчиликка жалб этишга қаратилган.

Бир сўз билан айтганда, «Аёллар қаноти» ўтган йилни ўз имкониятларидан самарали фойдаланган ҳолда яқунлашга эришди. Аммо шуни алоҳида таъкидлаш жоизки, дунё сиёсий саҳнасида аёл, оила ва миллий аънава ва қадриятлар масаласи тобора долзарблишиб бораётган бир пайтда «Аёллар қаноти» янгидан-янги лойиҳаларга киришаётди. Бу эса Ўзбекистон «Миллий тикланиш» демократик партияси тизимидаги опа-сингилларимиз замон билан ҳамнафас одимлаётганларидан далолат беради.

Вилоятхон ШОДИЕВА,  
«Миллий тикланиш»  
мухбири

# ИСЛОҲОТЛАРНИНГ ЯНГИ БОСҚИЧИДА

«Ёшлар қаноти» нималарга эътибор қаратиши керак?

Президентимиз Шавкат Мирзиёев томонидан Янги йилга «Ёшларни қўллаб-қувватлаш ва аҳоли саломатлигини мустаҳкамлаш йили» деб ном берилгани миллионлаб тенгдошларимиз қатори Ўзбекистон «Миллий тикланиш» демократик партияси аъзоси бўлган 160 мингдан зиёд ёшлар учун ҳам янги имкониятлар эшиги очилаётганини кўрсатди.

Тўғри, ўтган йиллар давомида тенгдошларимизнинг ижтимоий-сиёсий жараёнлардаги иштирокини қўллаб-қувватлаш борасида муайян ишларни олиб бордик. Хусусан, «Ижтимоий шериклик тўғрисида», «Ёшларга оид давлат сиёсати тўғрисида»ги қонунлар ижросини таъминлаш мақсадида ёшларни турли тадбирлар, очиқ мулоқот, давра суҳбатлари ёки аниқ бир мақсадларга қаратилган анжуманлар орқали камраб олишга ҳаракат қилдик.

Масалан, ўтган йили партиянинг биргина «Хизмат-беминнат» лойиҳаси доирасида 669 та ўқув курслари ташкил этиб, 80 нафарга яқин фидойи устозлардан иборат кўнгилчилар гуруҳи томонидан 1279 нафар уюшмаган ёшларга турли фанлардан дарслар ўтилди. Узлаштириш паст бўлган 779 нафар ва кам таъминланган 882 нафар йигит-қизлар ҳам ушбу курсларга жалб этилдилар. Айтиш мумкинки, ушбу ҳаракатларимиз бесамар кетмади, яъни лойиҳага жалб этилган ёшларнинг 142 нафари талаба бўлиш бахтига муяссар бўлди. Шу ўринда уларнинг 80 нафари қизлар ва 62 нафари йигитлар эканини таъкидлаш жоиз. Бундан ташқари, 6 нафар йигит-қизларимиз энг юқори балл (189 балл) йигиб, гранд асосида ўқийдиган бўлишди, 5 нафар ёшларимиз эса хориждаги Олий

таълим муассасаларида ўқиш имкониятига эга бўлдилар.

«Ёшлар қаноти»нинг яна бир муҳим лойиҳаси – «Навоий ворислари» кўрик-танлови ҳам Навоий ижодига қизиқётган ёшлар сонининг ортшига хизмат қилляпти. Ушбу лойиҳада якунида буюк бобокалонимизнинг 50 дан 100 тагача бўлган ғазалини ёд олган ва матннинг насрий баёни (ёзма шарҳи)ни яратган, шунингдек, ғазалнинг тушуниш қийин бўлган сўзларини изоҳлаб берган 14 мингдан зиёд истеъдодлар кашф қилинди.

Маълумки, партияимизнинг 2020-2024 йилларга мўлжалланган Сайловолди дастурида «Ёшлар парламенти»ни ташкил этиш гоёси илгари сурилган эди. 2020 йилда ана шу гоё амалиётга татбиқ этилиб, парламент палаталари қошида «Ёшлар парламенти» ташкил этилди. Унга эса партияимиздан 54 нафар ёшлар сайланди.

Шу ўринда ўтган йили халқ депутатлари маҳаллий Кенгашилардаги партия депутатлик гуруҳлари ва депутатлар томонидан ёшларга оид 41 та масала кенгашлар сессияларига киритилганини, доимий комиссияларга эса 93 та масала-таклифлар олиб чиқилиб, 1648 нафар ёшлар бандлиги таъминланганини айтиш жоиз.

«Уйма-уй» лойиҳаси доирасида эса 12 мингдан зиёд хонадонларда бўлиб, 9 минг нафар ёшлар билан суҳбатлар ўтказдик. Энг асосийси мулоқотлар якунига кўра, 1,5 мингдан ортиқ ишсиз ёшлар бандлиги таъминланди. 910 нафар ёшларга 1,5 миллиард сўмдан ортиқ имтиёзли кредит олишда ёрдам кўрсатилди, 2300 нафардан ортиқ ёшларга ҳуқуқий ёрдам бердик. Айни пайтда эса 1302 нафар йигит-қизларимиз мурожаати депутатларимиз томонидан назоратга олинган.

Албатта, бундай маълумотлар партия «Ёшлар қаноти» фаолиятининг айрим жиҳатларини очиб беради. Аммо бугун бажарилган ишлар эмас, олдимизда турган вазифалар, режалар ҳақида кўпроқ ўйлашимиз. Чунки ёшлар масаласида шундай нозик муаммолар борки, уларни кўпчилик бўлиб ҳал этмасак, муаммо газак олиши мумкин.

Маълумки, айрим ёшларимиз кўр-кўрона чет давлатлар ҳаётига қизиқиб, хорижда ишлаш, ўқиш ва яшашни орзу қилмоқдалар. Бундай қарорлар қабул қилинишининг ўзига хос сабаблари бор, албатта. Аммо энг катта сабаб, бу жойларда уларнинг хоҳиши ва истаклари амалга ошмаётганидир. Ана шуларни инобатга олиб, «Ёшлар қаноти» томонидан ёшларимизни таълим миграциясидан қайтариш, уларни миллий таълим сифатига ишонтириш, шу юртда ҳам ўқиш, билим олишлари учун яратилаётган шарт-шароитлар, шунингдек, уларга оиланинг муқаддас экани, фарзанднинг ота-она олдидаги масъулияти ҳақида тушунтиришлар берилди.

Бундай ҳолатларга эса албатта ота-оналар, маҳаллий раҳбарлардан тортиб, сиёсий партиялар вакилларининг ҳар доим ҳам жойларга етиб бораётганлигини ҳам сабаб бўляпти.

Ўзбекистон «Миллий тикланиш» демократик партиясининг Сайловолди дастурида оилавий аънава ва қадриятларни асраш, узоқ вақт хорижда бўлиб қайтган аёлларни ижтимоий реабилитациясини таъминлаш, оғир ижтимоий аҳволга тушиб қолган хотин-қизларни қўллаб-қувватлаш масаласи ҳам алоҳида қайд этилган. Бундан ташқари, дастурида белгилаган муҳим вазифалар ижросини таъминлаш мақсадида 2030 йилгача гендер тенглигига эришиш стратегиясига ўз



«Уйма-уй» лойиҳаси доирасида эса 12 мингдан зиёд хонадонларда бўлиб, 9 минг нафар ёшлар билан суҳбатлар ўтказдик. Энг асосийси мулоқотлар якунига кўра, 1,5 мингдан ортиқ ишсиз ёшлар бандлиги таъминланди.

таклифларимизни бердик.

Айни пайтда эса Давлатимиз раҳбарининг Олий Мажлисга йўллаган Мурожаатномасида белгилаб берилган устувор йўналишлар, айниқса, Юртбошимизнинг ёшларга оид гоё ва ташаббуслари асосида ўз фаолиятимизни қайта кўриб чиқяпмиз. Зеро, ушбу Мурожаатнома ўз моҳияти ва мазмунига кўра, юртимизда ислохотларнинг янги босқичи бошланаётганидан далолат бермоқда.

Наргиза ҲАМИДОВА,  
Ўзбекистон «Миллий тикланиш» демократик партияси Марказий кенгашининг Ёшлар ижтимоий-сиёсий фаоллигини ошириш масалалари бўлими бошлиғи

# Ҳарбийларга доим таъзимдамиз

Пойтахтимиздаги «Халқлар дўстлиги» саройига туташ майдонда Ўзбекистон Республикаси Қуролли Кучлари ташкил этилганининг 29 йиллиги ҳамда 14 январь – Ватан ҳимоячилари куни муносабати билан «Ким Ватанга содиқ бўлса, мендирман ўша!» мавзюда ҳарбий-ватанпарварлик фестивали ўтказилди.

Шу муносабат билан мазкур майдон янада ўзгача кўрк, салобат касб этган. Бу ерда замонавий ҳарбий техника воситалари тадбир иштирокчилари эътиборига ҳавола этилди.

Муаззам майдон узра мактаб ўқувчилари ҳарбийларга, уларнинг техник жиҳозлари, автомобилларига ҳайрат ва ҳавас билан қарайди. Фестивалга кенг жамоатчилик, ижодкор зиёлилар, талаба ва ўқувчилар, ота-оналар тақлиф этилган.

Майдон узра юртимиз байроғи мағрур ҳилпирамоқда. Ўзбекистон Республикаси давлат мадҳияси янграйди.

Мамлакатимизда миллий армияни давр талабига монанд ислоҳ этиш, тинчлигимиз, осойишталигимиз посьонларни бўлган ҳарбийларни қўллаб-қувватлаш бўйича тизимли ишлар олиб боришмоқда.

Давлатимиз раҳбари, Қуролли Кучлар Олий Бош Қўмондони Шавкат Мирзиёев томонидан мамлакатимизда ҳарбий-ватанпарварликка оид тадбирлар, фестиваллар жуда юқори, кўтаринки руҳда ўтказилмоқда, – деди Ўзбекистон Халқ артисти Мирзабек Азизов. – Бу каби фестиваллар ёшларни юрт тақдирини дахлдорлик, ватанпарварлик руҳида тарбиялашга хизмат қилади. Аслида биз тинч ва осойишта ҳаётимиз учун ҳарбийларга доим таъзимдамиз.


Оилаимизда ҳарбийлар бўлмаса-да, бу соҳага болаликдан жуда қизиқаман, – деди Ҳарбий ҳаво кучлари мутахассиси Илёс Облоқулов. – Йигит кишига ўз Ватанини, халқини ҳимоялаш шарофли бурчдир. Ота-онам ҳам гарчи оддий ишчи бўлишса-да, ҳарбий соҳа вакилларига ҳавас билан қарайди. Мен ҳарбийликдан бошқа соҳани тасаввур ҳам қилолмайман.

Кўтаринки руҳда ташкил этилган фестивалда ҳарбий техника ва қурол-аслаҳалар, моддий таъминот бўлимларининг имкониятлари намойиши, ҳарбий жамоаларнинг бадиий, мусиқали дастури, саф тайёрлиги, қўл жанги бўйича чиқишлари, кинолорларнинг махсус кўргазмалари намойиши тадбир иштирокчилари эътиборига ҳавола этилди.

Ватан, истиқлол, бунёдкор халқимиз, мард ўғлонлар мадҳ этилган кўшиқлар фестивалга янада завқ, жўшқинлик бағишлади.

Назокат УСМОНОВА,  
УЗА мухбири





## ҚОНУНДАН ҲАМ ЗҮРМИ?

Етти ойдики оқолтинлик Муяссар Пардаева ҳақиқат излайди. У дастлаб Маҳалла ва оилани қўллаб-қувватлаш вилоят бошқармаси раҳбари Улмас Мадаминова, бошқарманинг туман бўлими бошлиғи Алишер Ибодуллаевга, сўнгра Оқолтин тумани ҳокими Дилмурод Фозиловга мурожаат қилди. Бироқ...

— 2017 йилдан буён Алишер Навоий номи МҲИда хотин-қизлар билан ишлаш ва оилаларда маънавий ахлоқий кадриятларни мустаҳкамлаш бўйича мутахассис вазирасида ишлаб келаётганим, — деб ёзади М.Пардаева. — Тўғриси, ўз ишимни яхши кўрганим боис ишлаб чарчамасдим. Бироқ маҳаллага Абдусаттор Ғайбуллаев раисликка сайланган кунидан бошлаб, менга кун бермай қўйди. Ҳар бир ишимдан камчилик топиб камситадиган одат чиқарди. Кейин... билсам, унинг нияти ўзининг эски ҳамтовгои Норинисо Юлдашевани ўрнимга ишга қўйиш экан. Охири оқибат бунга эришди ҳам. Суриштирсам, А.Ғайбуллаев ва Н.Юлдашева олдин ҳам худди шу МҲИда бирга ишлаб, жиноят содир этгани учун суднинг қора курсисига ўтиришган экан. Аниқроқ айтсам, Н.Юлдашева 2 марта, А.Ғайбуллаев эса 4 марта бу курсини «ишғол қилган»!

М.Пардаеванинг маълум қилишича, Оқолтин тумани ҳокими Д.Фозиловнинг 2020 йил 7 мартдаги 06-2/08-345-сонли оғохлантириш хати А.Ғайбуллаевга роса қўл келган. Ҳокимнинг оғохлантириш хатида тумандаги 12 та МҲИда фаолият юритаётган хотин-қизлар билан ишлаш ва оилаларда маънавий ахлоқий кадриятларни мустаҳкамлаш бўйича мутахассислар (бундан кейин хотин-қизлар бўйича мутахассис - муаллим) штат бирлиги қисқараётгани боис тез орада ишдан бўшатилиши маълум қилинган эди.

Бунга эса 2020 йил 18 февралдаги «Ўзбекистон Республикаси маҳалла ва оилани қўллаб-қувватлаш вазири фаолиятини ташкил этиш тўғрисида»ги Президент қарори ва «Жамиятда ижтимоий маънавий муҳитни соғломлаштириш, маҳалла институтини янада қўллаб-қувватлаш ҳамда оила ва хотин-қизлар билан ишлаш тизимини янги даражага олиб чиқиш чора-тадбирлари тўғрисида»ги фармон асос қилиб олинди. Бироқ ушбу фармонга мувофиқ, хотин-қизлар бўйича мутахассис лавозими ўрнида МҲИнинг оила, хотин-қизлар ва ижтимоий-маънавий масалалар бўйича ўринбосари штат бирлиги жорий этилганига эътибор ҳам қаратилмади.

Дарҳақиқат, юқоридаги қарор ва фармонлар ижроси бўйича Сирдарё вилояти, хусусан, Оқолтин туманида ҳам бир қатор хайрли ишлар амалга оширилди. Дастлаб, маҳалла ва оилани қўллаб-қувватлаш вилоят бошқармаси ва унинг туман, шаҳарлардаги бўлимлари ташкил этилди. Соҳага етук, ўз ишининг жонқурлари жалб этилди. Вилоят ҳуқуқ тартибот идораларида самарали фаолият юритган Улмас Мадаминовнинг соҳага раҳбар

этиб тайинланиши эса ижтимоий ишлар сифатига таъсир қилди. — Мен М.Пардаевани анча йиллардан буён биламан. У касби, оиласига содиқ, фидойи аёл. У МҲИда ишлаган даврида бирор хотин-қиз арз-дод қилиб ҳокимлик эшигини тақиллатмаган. Чунки у ҳар қандай муаммони мустақил еча оларди. Энг асосийси одамлар билан муомала қилишни биларди. Унинг ишдан бўшатилганлиги, ноқонуний сайлов кўрбони бўлгани масаласига келсак, бу муаммони фақат

**” Суриштирсам, А.Ғайбуллаев ва Н.Юлдашева олдин ҳам худди шу МҲИда бирга ишлаб, жиноят содир этгани учун суднинг қора курсисига ўтиришган экан. Аниқроқ айтсам, Н.Юлдашева 2 марта, А.Ғайбуллаев эса 4 марта бу курсини «ишғол қилган»!**

ва фақат бошлиғимиз А.Ибодуллаевгина еча олади, — дейди биз билан суҳбатда туман Маҳалла ва оилани қўллаб-қувватлаш бўлими бошлиғининг биринчи ўринбосари Насиба Алтмишева.

Қўлимизда туман ҳокимлиги мутасаддиларига, Маҳалла ва оилани қўллаб-қувватлаш вилоят бошқармаси бошлиғи У.Мадаминова, Алишер Навоий номи МҲИда яшовчилар томонидан йўлланган ва 100 дан ортиқ имзо қўйилган фикрномаларнинг нусхалари турибди. Уларда маҳалла ахли, туман ИИБ ходимлари, ҳатто маҳаллий кенгаш депутатлари ҳам М.Пардаевани ўз ишга қайтариш лозимлиги ҳақида жон куйдириб ёзишган. Бироқ, бундай мурожаатномалар ҳанузгача қоғозларда қолиб кетмоқда...

Пардаеванинг арзномасини ўрганиш чоғида қўлга киритилган баъзи ҳужжатлар билан таниша туриб ёқа ушлаб қолдик.

Хуллас, А.Ғайбуллаев 2019 йили МҲИга раис бўлиб келгач, ўз ёнига эски кадрдонларини йиға бошлайди. Шу боис, 2020 йилнинг 30 апрелида шошилинч равишда йиғилиш ўтказиб, МҲИ раисининг ўринбосарларини сайлайди. Агар 2020 йилги 19-сонли йиғилиш баённомасига таяниб сўз юритилса, мазкур йиғинда МҲИ раисининг оила, хотин-қизлар ва ижтимоий-маънавий масалалар ҳамда ободонлаштириш, томорқа ва тадбиркорлик масалалари бўйича ўринбосарлари сайланган. Хусусан, М.Пардаева, Н.Юлдашева, А.Раҳмоновлар раиснинг Оила ва хотин-қизлар масалалари бўйича ўринбосарлигига номзод этиб кўрсатилган. Раис ўша йиғиндаги нутқидан учинчи номзод Ашурхон

Раҳмонова ўз номзодини қайтариб олгани учун қолган икки нафар номзодга яширин тарзда овоз бериш лозимлигини баён қилади.

Биз мақолани тайёрлаш жараёнида Ашурхон Раҳмонова билан боғланиб, ундан нима учун 30 апрелдаги сайловда ўз номзодини қайтариб олганини сўрадик. А.Раҳмонова эса ҳеч қандай йиғилишдан хабари йўқлигини, аксинча номзоди қўйилгани боис ҳануз сайловга қақаришларини кутаяётганини таъкидлади. Ушбу сайловда «Фуқароларнинг ўзини-ўзи бошқариш органла-

ри тўғрисида»ги Ўзбекистон Республикаси Қонуни талаблари қўпол тарзда бузилганини айтиш жониз. Яъни, раис ўринбосарлигига сайловлар яширин овоз бериш йўли билан ўтказилди. Шу йўл билан Н.Юлдашева ўринбосарликка сайланди. Ваҳоланки, мазкур Қонуннинг 17-моддасида «Фуқаролар йиғини Кенгашининг қарорлари очiq овоз бериш йўли билан қабул қилинади», дея белгилаб қўйилган.

Қўлаверса, бундан 2020 йилнинг 14 октябрида ФИБ Оқолтин туманлараро судида судья Уткир Абдурахмонов томонидан имзоланган ҳал қилув қарори ҳам тасдиқлаб турибди.

Дарвоқе, М.Пардаева мутасаддилардан амалий қўмақ уёқда турсин, бирон жўяли жавоб ололмаганидан кейин ФИБ Оқолтин туманлараро судига МҲИ Кенгашининг 2020 йил 30 апрелдаги қарорини ҳақиқий эмас деб топиш ва ўз иш жойига тикланишини сўраб мурожаат қилганди. Алалхусус, унинг даъволари қисман қаноатлантирилиб, МҲИ Кенгашининг 2020 йил 30 апрелдаги, яъни Н.Юлдашевани раис ўринбосарлигига сайлаш, умуман шу санада қабул қилинган Кенгаш қарори ҳақиқий эмас деб топилди.

Шу ўринда яна бир жиҳатга эътибор қаратсак: А.Ғайбуллаев ўринбосарларни тасдиқлаш ҳақидаги Кенгаш қарорини 2020 йилнинг 30 апрелида имзолаган. Худди шу куннинг ўзидаёқ Юлдашева Норинисо раис ўринбосари лавозимига тасдиқлаш ҳақидаги 19-сонли қарорни ҳам тасдиқлайди.

Бироқ Оқолтин туман ҳокимининг хотин-қизлар билан ишлаш ва оилаларда маънавий ахлоқий кадриятларни

мустаҳкамлаш бўйича мутахассисларни лавозимидан озод этиш тўғрисидаги 132-Ғ сонли Фармойиши 2020 йилнинг 7 майда имзоланяпти. Яъни, роппа-роса 7 кун олдин жаноб Ғайбуллаев отни жадал қамчилаб, хотин-қизлар масалалари бўйича ўринбосар лавозимига сайлов ўтказди. Аслида бунинг акси ўлароқ туман ҳокимининг фармойишидан сўнггина жойларда сайловлар ташкил этилиши, бунга мазкур ҳужжат асос қилиб олиниши тегишли ҳужжатларда аниқ кўрсатиб ўтилган.

Биз юқорида Оқолтин туманлараро суди томонидан 30 апрелдаги Кенгаш қарори ҳақиқий эмас деб топилганлигини эсладик. Ана шундан кейин А.Ғайбуллаев яна бир «янгилик»ка қўл урди, яъни 2020 йилнинг 4 ноябрь куни МҲИ Кенгашининг йиғилишини чақириб, Норинисо Юлдашева номзодини хотин-қизлар масалалари бўйича ўринбосарликка тасдиқлаш учун йиғилганларга «нутқ ирод қилди». Амалдаги қонунчиликка биноан эса қандайдир 2 нафар номзод кенгаш аъзоларига таништирилиши лозим эди.

«2018 йилдан буён Кенгаш аъзосиман. Узок йиллардан бери А.Навоий номи МҲИ худудидаги 3-мактабга раҳбарлик қиламан. Шу боис, катта-кичик йиғинларда қатнашиб тураман. Лекин ҳеч қачон бунақа шошилинч йиғилишни кўрмаганман. Сабаби 4 ноябрь куни МҲИ раиси А.Ғайбуллаев мактабга келиб, йиғилиш бўлишини айтиб, шоша-пиша уёқ-буёққа кўнгирак қилиб, 8 нафар кенгаш аъзосини иш жойлари ҳатто уйдан ҳам қақиртириб олди. Сўнгра Н.Юлдашева деган аёлни кўрсатиб, шу киши менинг хотин-қизлар масалалари бўйича ўринбосарини тасдиқлаб беринлар деди. Мен унга номзод битта эмас,

бир нечта бўлиши лозимлигини айтганимда, у қўл силтади. Ноилоҳ айтганига кўниб, қўл кўтардик», — дейди 3-умумтаълим мактаби директори Насиба Сунонова.

Кенгашнинг яна бир аъзоси Бахтиёр Сиддиқовнинг таъкидлашича, уни уйдан раис зудлик билан суратга тушиш учун қақиртириб олган.

— Келсам сайлов бўлаётган экан. А.Ғайбуллаевнинг кўрсатмасига биноан биргина номзод Н.Юлдашевани овоз беришга мажбур бўлдик. Қўлингизни кўтар дейишди, кўтардик. Дарҳақиқат, сураткаш расмга олди ва бу суратлар ҳокимликка керак дейишди... Очиғи ҳеч нарсага тушунмадим.

2020 йил 18 февралдаги «Жамиятда ижтимоий маънавий муҳитни соғломлаштириш, маҳалла институтини янада қўллаб-қувватлаш ҳамда оила ва хотин-қизлар билан ишлаш тизимини янги даражага олиб чиқиш тадбирлари тўғрисида»ги ПФ 5938-сонли Президент Фармони иловасида эски тартибда тасдиқланган Кенгаш янги ташкил этилган вазирилик юрисдикциясига ўтганидан сўнг қонун талабига кўра қайта тасдиқланиши ва шундан кейингина қарор қабул қилиш ваколатига эга бўлиши қатъий белгилаб қўйилган. Лекин мазкур МҲИда ушбу талабларга умуман амал қилинмади. Ҳатто Кенгаш таркиби Фармонга биноан қайта тасдиқланмади. Бас, шундай экан, эски тартибдаги Кенгашнинг 19-сонли қарори ҳеч қандай қонуний кучга эга эмас, — дейди қатор йиллар прокуратура ва адлия тизимида фаолият юритган кекса юрист Мардали Маҳмудов.

Муяссар Пардаева эса ҳали ҳам ҳақиқат қарор топишига умид қилиб юрибди...

Абдуғаффор ОМОНБОВЕВ, журналист

## Йўл харитасидан келиб чиққан ҳолда

Халқ депутатлари Бўстон туман кенгашининг навбатдаги сессиясида Президентимизнинг Олий Мажлисига Мурожаатномасида белгиланган устувор вазифалар моҳиятидан келиб чиқиб, Бўстон туманини ижтимоий-иқтисодий ривожлантириш дастурини тайёрлаш масаласи кўриб чиқилди. Шунингдек, халқ депутатлари Бўстон тумани кенгаши котибиятини ташкил этиш, Кенгаш котибияти мудирини тайинлаш масаласи муҳокама қилинди.

Сессияда туман ҳокими С.Мамитова ҳамда «Миллий тикланиш» демократик партияси Андижон вилоят кенгаши раиси Х.Омоновлар иштирок этдилар. Сессияда «Миллий тикланиш» демократик партиясидан сайланган Бўстон туман кенгаши депутати Фарход Абдуллаев халқ депутатлари Бўстон туман кенгаши котибияти мудирлигига сайланди.

@milliy\_tiklanish\_andijon

## Шарқда таълимий-ахлоқий қарашлар инъикоси

Маълумки, комил инсонни тарбия қилиш узлуқсиз жараён бўлиб, бунда етук жадидчи олимларимизнинг асарларидаги ғояларидан фойдаланиш муҳим аҳамият касб этади. Зеро, буюк бобомиз Абдулла Авлонийнинг бутун ҳаёти ва ижоди комил инсон тарбиясига бағишланган бўлиб, муваффақияр асарларида ёвузликка қарши эзгулик, жаҳолатга қарши маърифат, вайронгарчиликка қарши бунёдкорлик туйғуларини устувор қўйилган. Бундай эзгу туйғуларни ёш авлодга етказиш эса биз — бошланғич синф ўқитувчиларининг асосий вазифаси ҳисобланади. Таълим сифатини оширишга алоҳида эътибор қаратилаётган ҳозирги даврда ўқувчилар дунёқарашини шакллантиришда ҳам Авлонийнинг маънавий меросидан кўпроқ фойдаланиш мақсадга мувофиқдир.

У кишининг «Туркий гулистон ёхуд ахлоқ» асарини ахлоқий ва таълимий ҳақоратга эга бўлиб, Юсуф Хос Хожибнинг «Қутадғу билиг», Амир Темирнинг «Темур тузуқлари», Алишер Навоийнинг «Маҳбуб-ул қулуб», Жалолиддин Давонийнинг «Ахлоқи Жалолий», Муҳаммад Содиқ Қошғарийнинг «Одоб ас солиҳин», Аҳмад Донишнинг «Ўғилларга насихат» каби асарлари ўзига хос аҳамиятга эга. Абдулла Авлонийнинг «Туркий гулистон ёхуд ахлоқ» китоби 64 бобдан иборат бўлиб, ҳар бир боб таълим-тарбия масаласига бағишланган. Биз ушбу асардаги олтинга тенг ҳикматларни бошланғич синф ўқувчиларига дарс ва машғулотлар давомида янги педагогик технологияларидан фойдаланган ҳолда етказмоқдамиз.

Зеро, бошланғич синфларда бундай маълумотларнинг берилиши жажжи ўғил-қизларимизнинг бир умр ёдларида қолади.

Валида КОСИМОВА,  
Дилдора ТАЛИПОВА,  
Чилонзор туманидаги  
114-умумтаълим  
мактабининг  
бошланғич синф  
ўқитувчилари

ЎЗБЕКИСТОН «МИЛЛИЙ ТИКЛАНИШ»  
ДЕМОКРАТИК ПАРТИЯСИНING  
САЙЛОВДИ ДАСТУРИДАН



АКАДЕМИК АЗИЗ ҚАЮМОВНИНГ 95 ЙИЛЛИГИГА БАҒИШЛАНАДИ

# Навоий ашъоридан неча байт...



XV асрнинг мумтоз шоири, ҳазрат Жомий вафотидан кейин Шарқу Фарбда ягона устозлик мақомига мушарраф бўлган Мир Алишер Навоий *Узбек деган номни шу даражада баландга кўтардики, бу Аллоҳ таолонинг иродаси ила бандасининг юксак поғонага эришмоғи саодати эди. Форсларда Навоийга қадар ўтган шоирнинг уч устози: Низомий, Деҳлавий, Жомийдан ташқари яна ўнлаб оламга машҳур иждоқорлар борки, улар форс адабиёти гулшанини юқори жаҳон манзароғиҳа айлантириб, шўҳрат қозонишган бўлса, ўзбек миллати учун шунча юкни елкасига кўтариш саодати ёлғиз Навоийнинг зиммасига тушди ва у буни муваффақият билан уддалади. Шу боис, Алишер Навоийни ўзбек халқи фахру ифтихор билан севади ва эъзолайди.*

навоийнинг ашъоридан неча байт, менинг шарҳи ҳолим этиб туркий айт.

Жаҳон адабиётшунослиги, жумладан, ўзбек адабиётшунослигида энг кўп тадқиқ этилгани ҳам Навоийнинг ижодий меросидир. Кўплаб навоийшуносларимиз, хусусан, В.Абдуллаев, Ҳ. Сулаймон, Н. Маллаев, А. Ҳайитметов, С. Ганиевалар қаторида бугун муборак 95 йиллиги нишонланаётган устозимиз академик Азиз Қаюмовнинг ҳам бунда беқиёс хизматлари бор, албатта. Устоз адабиёт майдонига қадам қўйганларидан кейин Навоийнинг ҳар бир ижодий жараёндаги нашр ишларида қатнашиб, бош-қош бўлдилар. Домла форс тилини яхши билганлари учун Порсо Шамсиев ва бошқа форсийдон олимлар қатори Девони Фонийнинг ўзбекча тахтуллафз таржимасини амалга оширишда ҳам фаол қатнашдилар. Алишер Навоийнинг «Хамса» асарига бағишланган: «Ҳайратул аброр», «Фарҳод ва Ширин», «Лайли ва Мажнун», «Сабъайи сайёр» ва «Садди Искандарий», яъни беш китобдан иборат илмий-таҳлилий монография ҳам ёздилар.

Албатта, заҳматкаш олимнинг навоийшунослик бобида улкан хизматлари ҳаммага маълумлиги боис, қисман ёзган асарлари номини тилга олиш билан кифояланиб, кўпчилик эътибор қаратмаган ижодий кашфиётларига тўхталсак.

Азиз Қаюмов Навоий асарларини ўрганиш, тадқиқ этишда асосий манба ҳисобланган Низомий, Деҳлавий ва Жомий «Панж ганж»ларисиз мақсадга эришиб бўлмаслигини кўп такрорлар ҳамда Абдурахмон Жомий билан Алишер Навоий асарларини баҳам нашр этиш, бу икки буюк иждоқорни бир-биридан ажратиб бўлмаслиги тарафдори эдилар.

Мен устоз билан 1979 йилда танишганман. Шеърларимни ўқигач, анча вақт ўтгач, Абдурахмон Жомийнинг «Юсуф ва Зулайхо» дostonини таржима қилишга буюриб, 1981 йил нашр режасига киритганини айтдилар. Уша пайтда домла Ҳ. Сулаймон номли институтда директор бўлиб ишлардилар. Аини пайтда «Шарқ классиклари серия-

си» туркумида босиладиган катта нусхадаги китобларга институт муттасадди эди. Мен ҳар куни таржиманинг аслини ўқирдим, домла эса таржима матнини кўздан кечириб, таҳрир қилардилар. Бу менинг таржимачилиқдаги илк тажрибам эди. Китоб нашр бўлди. Кейин «Лайли ва Мажнун», «Саломон ва Абсол»ни таржима қилишга ундадилар. Хизматим эвазига илмий ходим сифатида маош олардим. Икки йиллик ижодий ҳамкорликдан кейин бошқа жойда фаолият юрита бошладим. Бироқ, устоз таъсирида Низомийнинг «Хусрав ва Ширин», «Лайли ва Мажнун» дostonларини таржима қилиб, 2005 йилда Эроннинг «Ал-Худо» нашриётида чоп эттирдим. Домла ҳар икки китобга ҳам таҳлилий монграфия ёзиб, телефон орқали Низомийнинг қолган дostonларини ҳам таржима қилишимни бир неча бор таъкидладилар. Мен устознинг сўзлари ерда қолмасин деб, Низомий «Хамса»сини тўла таржима қилиб чоп эттирдим. Шундан кейин у киши Жомийнинг қолган дostonларини ҳам таржима қилишимни сўрадилар. Узимда ҳам шундай ният борлиги учун қийинчилик билан бўлсада, ижодий ишни якунига етказдим. Сўнгра устоз Камол Хўҷандийнинг ғазаллар девонини таржима қилишимга илҳомлантирдилар. Бу иш ҳам амалга ошди. Шундан кейин домланинг: «Энди Деҳлавий «Хамса»сини ҳам таржима қилсангиз, навоийшуносликда уч катта манбани келгуси тадқиқотчиларга етказиб берган бўламиз, бошқа муҳим асар қолмади ҳисоб» деган гапларини ҳали-ҳануз эслайман. Аллоҳ бу шарафни ҳам бандасига насиб этганлиги боис, бир амаллаб, Деҳлавий «Хамса»сини ҳам таъдбир қилдим.

«Амир Темур» шеърий романимни ёзиб борганимда устоз тақриз ёзиб, «Мирзо Улуғбек» ҳамда «Жомий ва Навоий» ҳақида дoston ёзишимни таъкидлаганлари ҳам гўё кечагидек ёдимда. Ниятларининг холислигини қаранг, Амир Темур юбилейи комиссияси бир йилдан ортиқроқ вақт

ўтгач, дostonни нашрга тавсия этди. Шундан кейин «Шоҳрух ҳукмронлик даври ва Мирзо Улуғбек дostonи» ҳамда «Сўнги темурийлар, «Пири тариқат ва Мири ҳақиқат» дostonи деб иккала асарни ҳам Амир Темур ҳақидаги китобга қўшиб чоп этдим.

Кўп ўтмай устоз «Аҳмад ал-Фарғоний» дostonини ёзишим учун манбалар матнини бердилар.

Бир куни устоздан Румийнинг «Маснавийи маънавий»сини бир дўстим таржима қилганини айтиб, унга масъул муҳаррир бўлишлари учун сўрамоқчи бўлдим. Аммо гапим тугамай: Олимжон, мен «Маснавий» билан шугулланмайман, дедилар. Кейин эсладим, Ҳофиз Шерозий ғазаллар девонини ҳам таржима қилишимда, шоирнинг бир форсий китобини бериб, бошқасига ара-лашмаган эдилар. «Чор китоб»ни таржима қилганимда ҳам устозга мурожаат қилмаганман. Орадан анча вақт ўтгач, англадимки, устоз фақат навоийшуносликка оид манбаларни форсийдан ўзбекчага таржима қилдирган эканлар. У шахс шунчаки форс адабиёти мухлиси эмас, балки Навоий ижодининг асл мухлиси эдилар. Шунда хаёлимга бошқа манбалардан ўқимаган аммо «Жаҳоннамо»да устоз ўқиган бир байт эсимга тушди:

«Навоийнинг ашъоридан неча байт, менинг шарҳи ҳолим этиб туркий айт».

Бу пайтда устоз оламдан ўтган эдилар. Агар тирик бўлганларида эди, у кишининг барча хайрли ишлари фақат китобхонларнинг маънавий завқ олишлари учунгина эмас, балки илмий тадқиқот, келажак авлоднинг ҳам маъзуру манбалардан фойдаланиб, Навоий шўҳратини оламга кенгроқ ёйиши учун ҳам айтган бўлардим. Ушбу сўзларни ўзларига айтолмаганим боис, устоз мухлислари эътиборига хотира сифатида ушбу дил изҳорини ҳавола этишни шогирдлик эҳтироми деб билдим.

Олимжон БҮРИЕВ,  
шоир ва таржимон

Кутинг!

## ПРЕЗИДЕНТ МУРОЖААТНОМАСИНИ ЎҚИБ



Тарих одамларни донишмандларга айлантиради, деган гап бор. Гарчи ХХI асрнинг 2020 йили инсониятга донишмандлик мартабасини тақдим этмаган бўлса-да, аммо ҳаёт тарзимизни ўзгартиришга мажбур қила олди. Биз айнан ўтган йили оз бўлса-да, она табиатга зуғум қилишдан тийила бошладик. Бир қултум сув, айниқса, бир нафаслик тоза ҳавога тўйиниш буюк бир неъматга тўйиниш эканини англаб етдик. Ота-оналаримиз, жондан азиз фарзанду набираларимиз рўпарамизда турса-да, уларни бағримизга боса олмай, юрагимиз сукут ила исён қилгани ҳам 2020 йилда юз берди. Пандемиянинг оғир оқибатлари муҳоама этилаётган кунларда Парижнинг машҳур Эйфел минорасига туташ кўчада вақтинчалик ўликхона иш бошлагани ҳақида хабар тарқалганини ҳалигача ёмон бир тушдек эслайман. Очиғи, ушанда Европанинг энг ривожланган мамлакатларидан бирида юзага келган вазиятни кўриб, «Энди нима бўлади?» деган совуқ бир ҳадикдан чўчиганим ҳам рост. Минг шукрки, Япратганинг марҳамати ва Ўзбекистон етакчисининг оқилона сиёсати билан бало-қазолар гирдобидан чиқиб олдик.

Келгуси сонларда

## «...АБДУЛЛА ҚОДИРИЙНИ ЖАЗОСИЗ ҚОЛДИРИБ БҮЛАРМИДИ?»

Уша босқинчи тузум «Бу юртнинг халқи саводсиз, биз уларнинг саводини чиқараётимиз», деган ёлғони билан оламга жар солиб турган бир пайтда гўёки саводсиз халқнинг икки фарзанди — Отабек ҳамда Кумушбиби ёзган мактубларнинг маъно-мазмунида Навоий, Фузулий, Жомий, Низомий, Фирдавсий, Пушкин, Толстой, Шекспир, Данте улуғлаган туйғулар жўш уриб турса, бу ўша манфур тузумнинг асл башарасини фош этиб қўймасмиди?! Аниқки, асарда ўша даврнинг чиргани мафқураси «томорқасига отилган тошлар» кўп эди.

Қолаверса, «саводсиз, қолақ халқ»нинг фарзанди онг-шуурларни мудроқликдан уйғотувчи шундай китобни ёзгани ҳам фавуқлодда, шу билан бирга, асло кўз юмиб бўлмас бир ҳолат эди, албатта...

Утаббой Қушбеги, Юсуфбек хожи ва хатто Худоёрхонни ҳам бир қадар адолатли қилиб кўрсатиш орқали Қодирий адолат тантанаси учун қилинган инқилоб ютуқларини чиппака қиқариб қўяди. Ҳақсиз, ҳуқуқсиз деб ҳисобланган бир сачвон паранжили ожизанинг Утаббой Қушбегининг олдига кириб бориши хонлар даврида ҳам адолатга йўл бўлганини исботлапти-ку! Қули Ҳасанали ҳамда унинг хотини Ойбодоққа нисбатан Юсуфбек хожи оила аъзоларининг инсоний муносабатда бўлганини баён қилиш ўша давр салтанати олиб бораётган сиёсат таг-томирига урилган болта эмасмиди? Бундай ҳолатни баён қилиб берган Абдулла Қодирийни жазосиз



қолдириб бўлармиди?..

Кетма-кетига икки маротаба икки намозхон, мўмин-мусулмон, қуруқ тухматга учраган кишилар — Отабек ҳамда Мирзакарим қўтидорнинг дор остидан овоз бўлиши қизил мафкура томонида ўша пайтда авжида бўлган диндорларга, мусулмончиликка қарши кураш йўлидаги кучли ғовдир, дея қабул қилинганга шахсан менинг шубҳам йўқ. Албатта, ўшалар наздида Абдулла Қодирийнинг бу «беодоблиғи»ни ҳам кечириб бўлмас эди... Отабекнинг ёлғиз ўғли Ёдгорни ўша давр сиёсати оқибати ўлароқ, очарчилик йилларида очликдан ўлиб кетиши ҳам партия сиёсатига қарши адибнинг «салб юриши», дея талқин қилингани чиқар, балки...

Ёдгорнинг икки фарзанди, Отабекнинг набиралари, Юсуфбек хожидек одамнинг эваралари босмачилар сафига қўшилиб кетиши-чи? Мулоҳаза қилинса, биргина шу эпизод орқали

халқнинг тушунчасида, демак, босмачилар сафида давр тузуми уқтирмоқчи бўлганидек, фақат каллакесарлар эмас, балки шундай покиза инсонлар авлодлари ҳам бўлган экан, демакки, улар бекорга эмас, балки ўзи билган ҳақиқати учун курашган экан-да, деган тушунчанинг уйғониши ўша давр сиёсати учун нафақат кераксиз, балки хавфли, хатарли эди... Муаллиф Отабекка бирон-бир бўзахонада ичкиликка берилган, хору хароб қолдаги ёки Содиқ каби каллакесар томонидан чавоқланишдек, аянчли ўлимни раво кўрмайди. Аксинча, Отабекнинг мардларча курашиб, ҳалок бўлганини тарихий шахс Қаноатшо мактуби орқали бизга маълум қилади.

Мансурхон ТОИРОВ,  
физика-математика фанлари доктори, профессор  
«Ватанларвар» газетасининг  
2020 йил, 7 август сонидан  
олинди.



# ОШЛИК ИРЎИШИ

Фитна муносабатларга раҳна солиб, ҳатто отани боладан айиради. Нотинчлик, низо, игво келтириб чиқаради. Фитнанинг асли сийратидан фарқ қилишини, афсуски, инсонлар кеч тушунадилар. Фитна эгаларининг хатти-ҳаракатлари исён, галаёнга олиб келиши муқаррар. Ғоявий ихтилоф, илмдаги келишмовчилик, ақидадаги қарама-қаршилиқ, охиروقибат, инсонлар ва ҳатто халқлар ўртасидаги нифоққа сабаб бўлиши ҳам мумкин.



Халқаро миқёсда олиб қаралганда, Яманнинг таназулга юз тутиши бунга мисол бўлиши мумкин. Мавжуд ҳукуматга қарши чиқиб, уни ағдариб, мақсадларига мос давлат қуришга қаратилган исён шулар жумласидандир. Минтақадаги ероти ва ерусти бойликлари учун кураш олиб бораётган йирик давлатлар Яманни парокандаликка учрашидан манфаатдор эканини кўпчилик тушунмади ҳам. БМТ таҳлилчиларининг фикрича, Британия, АҚШ, Франция, Саудия Арабистони ва Эрон бу урушда турли гуруҳларни қўллашган.

БМТнинг бош котиби махсус вакили Мартин Гриффитснинг уринишларига қарамай, Ямандаги вазият бугунги кунда ҳам мураккаблигича қолмоқда. Ҳарбий-сиёсий инқироз, иқтисодий бўҳрон, гуманитар ҳалокат унга таъсир кўрсатаётган асосий омиллардир. Ямандаги уруш беш йилдан кўпроқ вақтдан бери давом этмоқда. 100 мингдан зиёд инсон унинг қурбонига айланди. Бу эса Яманда «Араб ярим оролидаги Ал-Қоида» ва «Ислом давлати» фаол ҳаракатланишига йўл очиб бермоқда. Қарама-қаршилиқ нафақат шиаларнинг «Ансар Аллоҳ» ҳаракати (Сана, мамлакат шимолининг катта қисми ва Ходейда порти билан биргаликда қирғоқ чизигининг катта бўлмаган қисми) ва Саудия Арабистони бошлиқ араб коалицияси томонидан дастакланадиган ва мамлакат жанубини идора қиладиган Яман ҳукумати ўртасидаги можаро, балки яқинда иттифоқчи бўлган кучлар ўртасидаги зиддиятга бориб тақалади.

Аҳолининг қашшоқлашув суръатлари ҳам шимолда, ҳам жанубда сезиларли тезлашди. Ҳарбий ҳаракатлар бошланиши билан Яман иқтисодиёти 50 фоизга

қисқарди. Миллий валюта риал қадрсизлангани муносабати билан деярли муомаладан чиқди, ҳисоби. Қуролли можаро сабаб маҳсулотларнинг мамлакат портларидан чиқиши қийинлашгани боис озиқ-овқат нархлари кескин кўтарилди. Аҳолининг 75 фоизи ёрдамга муҳтож, салкам 14 миллиони эса очарчилик ёқасида.

Риал 235 фоизга қадрсизланиши натижасида ун, шакар, гуруч ҳам қимматлади. Яманликларнинг 70 фоизи кунига бир доллардан кам пулга яшавадиган мажбур. Урушдан қочиб бошқа худудларга кўчган фуқароларнинг аҳоли эса ундан-да ёмон.

Бугун Яманда дунёдаги энг жиддий инсоний инқироз кузатилмоқда. Чигирткалар юриши ва сув тошқинлари каби табиий офатлар муаммони чуқурлаштирган. БМТда эса ушбу ҳалокат олдини олишга маблағ йўқ. Беш ёшдан кичик 3 млн. бола очлик исканжасида. Агар мавжуд ҳолат ўзгартирилмаса, Яман бор авлодидан мажбур бўлади. Яманнинг 333 та туманидан 230 таси очарчилик остонасида. Мамлакатда коронавирусдан ташқари, вабо, бўғма, денга ва чикунгун безгаги каби касалликлар кенг тарқалган. Парчаланган мамлакатда давлат ҳокимиятининг тўлақонли институти тугул арзирли соғлиқни сақлаш тизими ҳам йўқ. Яман инқирозининг сиёсий-дипломатик ечимидан бўлак бошқа имкониятлар қолмаган. Халқаро ҳамжамият Ямандаги ҳарбий ҳаракатларни бартараф этиш ва мамлакатни ҳалокатли оқимдан чиқариш учун барча соҳаларда «йўл ҳаритаси»ни ишлаб чиқиши лозим.

Мана шундай бир шароитда АҚШ ҳукуматининг Яманда Эронга хайрихоҳ

”

100 мингдан зиёд инсон унинг қурбонига айланди. Бу эса Яманда «Араб ярим оролидаги Ал-Қоида» ва «Ислом давлати» фаол ҳаракатланишига йўл очиб бермоқда.

хусий исёнчиларни террорчи ташкилотлар рўйхатига қўшиш режаси кузатувчилар ва инсонпарварлик ёрдами ташкилотларини, ташвишга солмоқда. Бундай қадам тинчлик мулоқотига салбий таъсир қилиб, гуманитар ёрдамни хусийлар назоратидаги шимолий худудларга етказиш ҳаракатларига панд бериши мумкин. Яман ҳукуматига исёнчиларга қарши курашда ҳарбий ёрдам бераётган Саудия Арабистони ва Бирлашган Араб Амирликлари хусийларни 2014 йилда қора рўйхатга қўшган эди. Қўшма Штатлар эса 2018 йилдан бери бу борада бир тўхтама келгани йўқ. АҚШнинг «Ташқи сиёсат» сиёсий-таҳлилий журнали исмини ошкор этишни истамган расмийлардан олинган маълумотга таяниб, Давлат департаменти Трамп маъмуриятининг Эронга босимни кучайтириш сиёсати доирасида хусийларни террорчи ташкилотлар рўйхатига қўшишга ҳозирлик қураётганини маълум қилди.

«Вашингтон Пост» газетаси эса ушбу қарор тез орада эълон қилинишини билдирди.

Маълумки, расмий Вашингтон хусийларни Эроннинг минтақада ҳукмронликни ўрнатишга қаратилган режасини амалга оширишга ёрдам бераётганликда, тинчлик йўлида ҳамкорлик қилмаётганликда айблаб келади. АҚШ гуруҳни террорчи ташкилотлар рўйхатига қўшиб, унинг молия тармоғига зарба бермоқчи, моддий ёрдам ва ресурслардан айирмоқчи.

Хусий исёнчилар эса, шиа мазҳабига мансуб маҳаллий сиёсий ва ҳарбий ҳаракат бўлиб, унга Абдул Малик ал-Хусий етакчилик қилади. Гуруҳ 2014 йилдан бери Саудия Арабистонидан ёрдам олаётган Абу Раббо Мансур Ҳади ҳукумати билан ҳокимият учун курашмоқда, пойтахт Санони қўлга киритган. 2015 йилда Саудия Арабистони бир неча араб мамлакатлари билан ҳарбий коалиция ташкил этиб, хусийларга қарши ҳужумлар бошлаган. БМТ Хавфсизлик Кенгаши ҳаракат раҳбарларини Яман тинчлиги, хавфсизлиги ва барқарорлигига раҳна солаётганликда айблаб, ўша йили уларга нисбатан санкция қўллаган. АҚШ ҳам уларни қора рўйхатга қўшган. Хабарларга кўра, сўнгги йилларда Эрон уларни қурол, маблағ ва ҳарбий тайёргарлик билан таъминлаб келмоқда. Баъзи таҳлилчиларнинг фикрича, Эрон хусийлар ёрдамида Яманга ўз таъсирини ёймоқчи. Техрон Ливаннинг «Ҳизбуллоҳ», Ироқнинг «Халқ мобилизация кучлари» билан ўхшаш стратегия асосида ҳамкорлик қилади. Саудия Арабистони хусийларни муҳим иқтисодий марказ ҳисобланган Баб ал-Мандаб бўғозидан ўтаётган нефть таъминоти ҳамда Қизил ден-

гиз ва Аден кўрфазини бир-бирига уловчи сув йўлларига ҳужумларда айблаган. Қайд этилишича, 24 ноябрь куни Жидда шахридаги нефть заводи ҳам нишонга олинган. Эрон бўйича мутахассис, АҚШ Марказий разведка бошқармаси собиқ ходими Норман Рулнинг айтишича, хусийлар кучга тўлса, халқаро иқтисодиёт ва энергетика тизимига жиддий таҳдид солишлари мумкин. Таҳлилчиларнинг фикрича, АҚШнинг гуруҳни террорчи ташкилотлар рўйхатига қўшиш қарори уни зафлаштирамайди, чунки асосий таъминотчиси Эрон АҚШ санкцияларини писанд қилмаётти. Бироқ санкцияларнинг салбий таъсири оқибатида тўйиб овқат емасликдан азоб чекаётган аҳолига ёрдам дастурлари қисқариши мумкин, яъни хусийлар назоратидаги худудларда яшовчи беғуноҳ одамлар жиддий азият чекади.

Бугун жаҳон оммавий ахборот воситаларида тарқатилаётган аёллар, болалар ва қашшоқ инсонларнинг суратига, ичига ботиб кетган ёноқлари, суяклари бўртиб турган танаси ва рангпар терисига разм солар экансиз, яманликларнинг аламли турмушига гувоҳ бўламиз. Саналик 45 яшар ишсиз Маҳдий Абдуллоҳ овқат сотиб олиш учун пули йўқлигини айтади. Айни кунларда у овқат топиш учун боришга фақат битта манзилни билади: ахлатхона.

Бир неча ойлardan бери ишсизман. Бир риал ҳам пул топганим йўқ. Бу мени ҳар қандай йўл билан ахлат уюмлари орасидан овқат излаш ёки тиланчилик орқали бўлсин оиламни таъминлашга мажбур қилди, — дейди Маҳдий Абдуллоҳ. Санадининг Байт Бос маҳалласида истикомат қилувчи Абдуллоҳ ҳар кун ахлат уюмлари орасидан ўзи ва 10 кишилик оила-

си учун ейишга бирор нарса топиш умидида шаҳар бўйлаб дарбадар кезади. Хуллас, маънисиз уруш мамлакатни оммавий очарчиликка олиб келди. Мамлакатда тараққиёт тўхтади. Юриб турган бизнеслар ёпилди. Бу эса Ямандаги озиқ-овқат бўйича вазиятнинг кескинлашувига ҳисса қўшди. Бугун чиқиндиҳоналар овқатланиш ва ошхоналардаги овқат қолдиқларини топиб ейиш орқали кун кемираётганлар учун тирик қолишга ёрдам берапти. Урушдан олдин Яман озиқ-овқатнинг 90 фоизини четдан импорт қиларди, аммо уруш туфайли чегаралар ёпилди. Утган йилнинг охирида халқаро миқёсда тан олинган ҳукумат Яман Марказий банкини исёнчилар назоратидаги Санадан Аданга кўчириши орқали яманлик оилаларнинг иқтисодий аҳоли ҳам ёмонлашди. Мазкур ҳаракат исёнчиларга иқтисодий зарба бермоқчи эди. Бироқ бу уриниши бир неча ойлardan буён маош олмаган барча давлат хизматчиларига салбий таъсир кўрсатди.

— Ҳар кун одамлар бирор нарса берармикин деган умидда тиланчилик учун кўчага чиқаман, — дейди саналик 12 ёшли Башар Яман. — Айримлар пул беради, айримлар эса йўқ. Оилада 4 нафар оға-иниларим бор. Отам бир неча ой муқаддам қазо қилган...


Яманликларнинг ҳаёти уруш ва сиёсат туфайли вайрон бўлди. Аммо шунга қарамай, яманликлар шунчаки одатий ҳаёт тарзига қайтишга умид қилиб яшамоқдалар. Оддий одамлар фарзандлари очлик исканжасидан омон чиқиб, хайрия ёки чиқиндиларга кунлари қолмаслигини орзу қилишяпти.

Абдували САЙБНАЗАРОВ

«МИЛЛИЙ ТИКЛАНИШ» ГАЗЕТАСИГА ОБУНА ДАВОМ ЭТМОҚДА!

Обуна 158 индекси

ОБУНА - 2021



Тили чучуклар ўқимасин...

Яқинда ижтимоий тармоқларда иш ўринлари ҳақидаги бир эълонга кўзим тушиб қолди. Ажабтовур эълон «Юлқира, мукопот пуллари бор», деган жумла билан яқунланбди.

«Миллий ва йвропа таомлари учун малакали ошпаз кере. Иш ҳақини келишамиз», «Бизга аёзо булинг ва узингизнинг янги хонадонингизни кулга киритинг», «Хурматли кизларимиз! Силани озимизнинг энг чироли комплексимизга ишга таклиф қиламиз», «Иш графиги узингизга боглик, вақтингиз булганда, кундузими, пешинми уз хохишиз», «Розумени фото бланжунатинг», «Ўзиз ҳақизда малумот ва расмизни телеграмдан йозсин узимиз алоқага чиқамиз, ишлийман деганлар йозсин. бекорчилар безофта килмасин!»

Ушбу эълонларда фойдаланилган «креатив»ларни бошқа тилларда ҳам тополмайсиз, десам хато қилмаган бўламан.

Дастлаб ушбу жумлаларни кирилл алифбосида ўқимаган ёшлар ёзган-у, хатога йўл қўйган, дея ўзимизни

юпатмоқчи ҳам бўлдик. Лекин лотин алифбосидаги айрим рекламаларда «ихтиролар» юқоридагилардан ҳам қизиқроқ чиқди: «Iltmos yoshi kotta, bekorchi odamla bezovta qmasn», «Assalomu Alekum Toxtang, siza ish keremi?», «Qaytarb otaman toshkent prapiska bolishi shart! Faqat qizla tel qilsn ogll bollani ishga omimiz», «Qizla bu oriflame kazino nimadmas hammasi juda oson manam bowida iwopnudm»...

Ушбу эълонларнинг аксарияти тадбиркорларга тегишли, албатта. Хатоларни таҳлил қилиб, каттакичким ўз бизнесини йўлга қўйган ва беш-ўн кишини иш билан таъминлаётган ишбилармон юрдошларимиз ҳам ўз она тилини билишлари керак эканда, деган фикрга келдик. Зеро, Она тилимизни бу қадар бузиб талқин қилиш уни ногиронга айлантириш билан баробардир.

Бугун ижтимоий тармоқлар ҳақиқатан ҳам халқимизнинг дастёрига айланди. Аммо юқоридагидек ҳолатларга қарши жиддий чоралар кўрмасак, эртага кеч бўлиши мумкин!

Абдукарим ҚУВВАТОВ.

Кутинг!

## «...ЎҒЛИМ ЖИНОЯТЧИ ДЕБ ТОПИЛДИ.

Суд эса бирон-бир ҳужжат ва далиллари бўлмаган «хорижий инвестор» фойдасига қарор чиқарди. Шунинг учун ҳам асл ҳақиқат журналистик суриштирув жараёнида юзага чиқади, деб умид қиламан!



Келгуси сонларда



✓ Эшиклар ҳар қанча катта бўлмасин, уларнинг калити кичкина бўлади.  
 Чарльз Диккенс

## 2020 йилда 1 миллион 504 минг сайёҳ келди

Бош вазир ўринбосари Азиз Абдуҳақимов маълум қилишича, 2020 йили Ўзбекистонга жами 1 миллион 504 минг турист ташриф буюрган. Уларга эса 261 миллион АҚШ доллари миқдорига туризм хизмати кўрсатилгани айтилмоқда. А.Абдуҳақимовнинг фикрича, 2021 йилда юртимизга 1 миллион 700 минг нафар хорижий сайёҳ ташрифи кўтилмоқда. Бунинг эвазига туризм хизматлари экспорти 370 миллион долларга етказилади.



Ойбек  
(1905-1968)

### Наъматак

Нафис чайқалади бир туп наъматак  
 Юксақда, шамолнинг беланчагида,  
 Қуёшга кўтариб бир сават оқ гул,  
 Виқор-ла ўшайган қоя лабида,  
 Нафис чайқалади бир туп наъматак...

Майин рақсига ҳеч қониқмас кўнгли,  
 Ваҳший тошларга ҳам у берар фусун,  
 Сўнмайди юзида ёрқин табассум,  
 Яноқларни тутиб олтин бўса-чун  
 Қуёшга туттади бир сават оқ гул!

Пойида йиғлайди қумуш қор юм-юм...  
 Нафис чайқалади бир туп наъматак...  
 Шамол инжуларини сепар чашмадак,  
 Бошида бир сават оқ юлдуз-чечак,  
 Нозик саломлари нақадар маъсум.

Тоғлар ҳавосининг ферузасидан  
 Майин товланади бутун ниҳоли,  
 Ваҳший қояларнинг ажиб ижоди:  
 Юксақда рақс этар бир туп наъматак,  
 Қуёшга бир сават гул тутиб хурсанд!

### СОЗИМ

Уйғонгач умрнинг илк баҳори,  
 Соз бўлди кўнглим самимий ёри.  
 Ҳамшира каби яқин ва дилбар,  
 Тонг юлдузидек умидга ундар.

Соз билмади ҳеч маҳал аразни,  
 Нурлатди юракни жонли базми.  
 Ул кўркмади дуч келса тиканзор,  
 Офатли бўрон, кутурса сел, қор...

Гар эгса қаддимни чўнг машаққат,  
 Бир онда учирди – мисли ул пат.  
 Қишларни баҳор айлаган ул,  
 Удир боғимда хилма-хил гул.

Гулларнинг туси бағир қонимдан,  
 Маст нози севгининг тонгидан.  
 Мен у билан айладим тараннум,  
 Ҳар сўзда қуёш қилур табассум.

Дилларда чаман очар бу сўзлар,  
 Соф ҳис билан яшнамасми кўзлар?  
 Нур, ҳаққа қақирди халқни созим,  
 Халқимникидир сўзим – овозим!

\*\*\*

Ой нурунинг мавжлари ёйилар майин,  
 Жимжитгина соялар қочар панана.  
 Кўкда юлдуз гуллари очилган қалин,  
 Ёзнинг елпуғичини тиндирмас кеча.

Уйқуси йўқ барглarning чучук яллари  
 Қалбларимизга тегиб, ҳисларни ёқар.  
 Ёнар кўзларимизда ёшлик нашъаси,  
 Ялтирар бошимизда қумуш олмалар...

Атласдай товланади ранглар чаманда,  
 Олтин ёмғир ювади гуллар тожини.  
 Жаранглаб тин ҳавода нозил бир ханда,  
 Қалбга боғлайди туннинг ипак сочини.

### БИР ЧИМДИМ КУЛГИ

Ишга киришдан олдинги суҳбатдан:  
 – Ижобий хислатларингиз?  
 – Қатъиятлик!  
 – Майли бораверинг. Ўзимиз сиз билан боғланамиз!  
 – Раҳмат. Шу ерда кутиб тураман...

\*\*\*

Эр хотинига кўнғирок қилибди:  
 – Хотин, қаерларда бўлишни орзу қилар эдинг? Денгиз бўйидами ёки баҳаво ўрмонзорлардами?  
 Қувонч ичига сизга хотини жавоб берибди:  
 – Албатта денгиз бўйида, дадаси!  
 Саёҳатга йўлланма олясизими?  
 – Йўғ-э, хожатхонага освежитель танлаяпман.

\*\*\*

Хўроз сигирга ҳазиллашибди:  
 – Эртага икки баравар сут бермасанг, эгамиз сени сўйиб юбораркан!  
 Сигир кўрканидан эртасига икки пақир сут берибди.  
 Бунни кўриб эгаси хурсанд бўлиб: «Кўз тегмасин бир қон чиқарворай», – деб хўрозни сўйворибди.

## «Мен террорчи эмасман» фильми кенг жамоатчиликка намойиш этилди



Картина Ўзбекистон Республикаси ДХХ кўмагида «Ўзбекино» Миллий агентлиги, «Mir Ali cinema» ва «Iskandariy visual» кинокомпаниялари ҳамкорлигида суратга олинган.

«Мен террорчи эмасман» бадиий фильми ўткир сюжетли ҳарбий драма жанрида бўлиб, реал воқеаларга асосланган. Унда террорчилик гуруҳларига қўшилиб қолганларнинг аянчли тақдири ҳақида ҳикоя қилинади. Тўғри йўлдан адашган икки ўзбек йигитининг аянчли ва ачинарли қисмати ҳикоя қилинади.

Ундаги ҳар бир тасвир тинчликнинг қадрига етишга ундайди. Жанр

ҳолатлари, ўқ товушлари, ярадор инсонлар тасвири киши хаёлини ўғирлайди. Тинчлик ва осуда кунлар ҳақида уйлашга чорлайди.

Фильм сценарий муаллифи ва постановкани режиссёр Муҳаммад Али Искандаров, оператор Хусан Атабаев, постановкани расмий Баҳриддин Шамсутдинов, композитор Жасур Бадалбоев.

14 январь – Ватан ҳимоячилари кўни муносабати билан ҳарбий ва ички ишлар соҳа вакиллари учун ҳам фильмнинг махсус намойиши ўтказилиши режалаштирилган.

Д.МАМАТОВА, ЎЗА

### Ҳафталик об-ҳаво маълумотлари

Kun	Harorat	Tavsif	Yog'ingarchilik
Chorshanba 13 yanvar	+8° -0°	bulutli	15%
Payshanba 14 yanvar	+12° +1°	ochiq havo	1%
Juma 15 yanvar	+17° +5°	ochiq havo	3%
Shanba 16 yanvar	+18° +1°	joylarda bulutli	4%
Yakshanba 17 yanvar	+18° +3°	joylarda bulutli	5%
Dushanba 18 yanvar	+18° +5°	bulutli	8%
Seshanba 19 yanvar	+16° +4°	yomg'ir	55%

## ИШОНЧ ТЕЛЕФОНЛАРИ ВА @MTAYOLLARMUROJAATIBOT, @MTYOSHLARMUROJAATI ТЕЛЕГРАМ БОТЛАРИ ИШГА ТУШИРИЛДИ

Insonni o'zgartirish orqali jamiyatni o'zgartiramiz!

O'zbekiston "Milliy tiklanish" demokratik partiyasi hududiy Kengashlari qoshida xotin-qizlar va yoshlar murojaatlari bilan tizimli ishlash maqsadida ishga tushirilgan

### Ishonch telefon raqamlari

+99879 226 45 77

+99895 601 45 77

+99895 606 45 77

+99895 600 45 77

+99895 505 45 77

+99895 501 45 77

+99899 513 45 77  
+99895 475 45 77

+99899 475 45 77

+99899 694 45 77

+99878 298 02 65

+99895 404 45 77

+99895 280 45 77  
+99895 500 45 77

Xotin-qizlar va yoshlar murojaatlarini qabul qilishga mo'ljallangan maxsus telegram bot'lar manzili

@MTAyollarmurojaatiBot

@MTYoshlarmurojaatiBot

ЎЗБЕКИСТОН  
«МИЛЛИЙ  
ТИКЛАНИШ»  
ДЕМОКРАТИК  
ПАРТИЯСИНING  
ИЖТИМОЙ-  
СИЕСИЙ  
ГАЗЕТАСИ

### ЖАМОАТЧИЛИК КЕНГАШИ:

Алишер ҚОДИРОВ – кенгаш раиси,  
 Акмал САИДОВ, Абдулазиз АККУЛОВ, Аброр ПЎЛАТОВ,  
 Амриддин БЕРДИМУРОДОВ, Бахтиёр САЙФУЛЛАЕВ,  
 Илхом АБДУЛЛАЕВ, Минҳожиддин МИРЗО,  
 Нодир МУХТОРОВ, Отабек ЖИЯНБОВ,  
 Озодбек НАЗАРБЕКОВ, Ортикали ҚОЗОҚОВ,  
 Феруза МУҲАМЕДЖАНОВА, Хуршид ДЎСТМУҲАММАД,  
 Шерзодхон ҚУДРАТХЎҲАЕВ, Шавкат ШАРИПОВ,  
 Шухратжон АХУНДЖАНОВ.

Бош муҳаррир:  
 Миродил АБДУРАҲМОНОВ

### ТАҲРИРИЯТ

Манзили:  
 Тошкент шаҳри,  
 Миробод тумани,  
 Буюк Турон кўчаси,  
 41-уй.

Газета таҳририят  
 компьютер  
 марказида терилди  
 ва саҳифаланди.

Муаллифлар фикри  
 таҳририят нуктаи  
 назаридан фарқ  
 қилиши мумкин.

Таҳририятга келган хатлар доимий  
 эътиборимизда бўлиб, улар  
 муаллифларига қайтарилмайди.

Навбатчи муҳаррир:  
 Равшан МАҲМУДОВ  
 Навбатчи:  
 Вилотхон ШОДИЕВА  
 Дизайнер:  
 Маъмуржон ҚУДРАТОВ

Электрон почта:  
 mtiklanish@bk.ru / mtiklanish@mail.ru

ТЕЛЕФОНЛАР:  
 Қабулхона (факс): (0-371) 232-12-03, +99897 755-10-11

Газета «SHARQ» нашриёти-матбаа акциядорлик компаниясида  
 chop этилди.  
 Корхона манзили: «Буюк Турон» кўчаси, 41-уй

2008 йил 29 октябрда Ўзбекистон Матбуот ва ахборот  
 агентлиги томонидан № 0223 рақами билан рўйхатдан ўтган.

Газета ҳафтанинг чоршанба кунини чиқади.  
 Адади – 4699.  
 Газетанинг баҳоси келишилган нарҳда.  
 Қоғоз бичими: 350x587. Ҳажми: 4 босма табоқ  
 Буюртма – 116  
 Босишга топшириш вақти 21.00.  
 Топширилди 3:15

ISSN 2010-7714